

四庫全書

史部

欽定四庫全書

史部

福建通志卷五十三

詳校官監察御史<sub>臣</sub>陳化龍

檢討<sub>臣</sub>德生覆勘

總校官檢討<sub>臣</sub>何思鈞

校對官中書<sub>臣</sub>張曾炳

謄錄監生<sub>臣</sub>李全玉

欽定四庫全書

福建通志卷五十一

文苑

閩文章為天下傳習久矣四子六經之傳註紹先  
聖而詔來學為閩人所誣述者居其五馬班韓歐  
卑卑無高論矣然此不可以文言也唐相常公袞  
始以文章誨閩人士閩號能文者自歐陽四門始  
其後陳通方王魯復許稷盛均黃滔翁承贊之徒

各擅才華馳驅百氏終唐之世咸以詞賦爭鳴宋  
興名儒輩出其羽翼經傳表章道學與夫經濟政  
事烺烺炳炳功垂天壤者詳具人物傳矣其次猶  
得以雕龍繡虎之技幟樹藝林故觀人文於閩猶  
挹水於河取火於燧也學士大夫窮歲月役精神  
冀立言之不朽或當身籍甚而沒後無稱或易代  
文傳而生前寡和生茲土也撫斯籍也尚亦勤求  
道德六經之原經濟政事之大毋使輪轅徒飾致

詣虛車於以黼黻

本朝文明之化也而可哉志文苑

福州府

唐

王魯復

字夢周連江人  
大厯貞元間獻詩得從事邕府  
自高其才嘗謁郎中皇甫湜  
湜久未獲見移書責

之曰韓退之接賢樂善孳孳不倦  
公師其文安可不  
師其道乎自此當攜酒弔退之墓  
不及門矣湜乃謝

之嘗草衣騎牛王涯李固言俱賞識之  
在京  
師聞臺省有疑獄願往鞠之其清狂如此

陳通方

閩縣人貞元中及第省試春風扇微和詩至今  
誦之有王播者與通方同年後通方登第者同

縣陳彥博字朝美李滂字注善薛承裕字  
饒中陳蜀字文郁林袞字謹言俱有詩文

陳詡字載物閩縣人貞元十三年及第三府交辟以文  
於時官終戶部員外郎知制誥有詩集十卷

邵楚萇字待倫閩縣人貞元十五年及第以詩名馬侍  
中有亭甚侈麗楚萇作馬侍中亭子歌馬以為

愧遂毀其亭  
官終校書郎

陳去疾字文醫候官人元和間及第得告還家觀察使  
裴義禮異之改名其鄉曰桂枝後為邕府副使

卒有詩一  
卷行世

歐陽袞字希甫閩縣人與項斯齊名寶歷間及第官監  
察御史二子琳毗皆登進士復中宏詞科以詩

賦世  
其家

林簡言

字欲訥福清人少有文名舉太和進士官終漳  
州刺史嘗慕韓愈為人上書自通著有漢武封

論禪

蕭膺

字汝元候官人開成進士是歲閩中登第四人朝  
士詩云幾人天上爭仙桂一歲閩南折四枝官至

大理  
司直

鄭誠

字申虞閩縣人會昌間及第累官國子司業刑部  
郎中歷郢安鄧三州刺史同邑兵部郎中林滋字

原象布衣唐雄字伯鎮俱有才名  
時稱誠文滋賦雄詩為閩中三絕

陳鏞

字希聲候官人大中元年及第文  
祖西漢尤精史傳仕終鄂州刺史

林傑

字智周候官人六歲賦王霸壇詩人爭誦之大  
中四年舉神童卒年十七副使鄭立作奇童傳

王榮

字輔之福清人咸通進士復中博學宏詞科陳黯為序送之曰麟之聖龍羽之瑞鳳凰非四翼龍非

二首所以異者惟希出耳累官水部郎中事蹟見閩川名士傳館閣書目載詩一卷子仁績曾孫礪碩碩

子伯虎  
並擢第

林諤

閩縣人博學善屬文養高不仕搜採異聞作閩中記十卷傳於世

連總

字會川閩縣人咸通中及第善詞賦温庭筠稱之

張瑩

字昭文連江人大順間進士詞賦高麗綽著詩名有月宮賦四靈賦人爭傳誦仕終禮部尚書

黃璞

字德温候官人少與歐陽詹齊名大順中進士官至崇文館校書郎昭宗時歸隱杜門自號霧居子

著有閩川名士傳及文集二十多卷黃巢入閩以璞儒者戒毋毀其居子仁藻著作郎仁渥太子正字仁



渭著作佐郎從弟滔御史裏行與璞同時館職號一  
門五學士璞後徙居莆田今候官里居人稱黃巷莆

中山人稱  
黃巷山

沈崧

閩縣人乾寧中進士與臨安羅隱齊名歸省過臨  
安吳越錢鏐留為鎮海軍掌書記奏授兵部尚書

及元瓘即位拜丞相  
諡文獻有集二十卷

卓雲

長樂人乾寧中及第作未明求衣賦駕  
在華州賦聞善如扣鐘詩人傳誦之

五代

林鼎

閩縣人父無隱以詩名寓居明州之慈溪鼎從馬  
鼎善屬文能書仕吳越錢氏為丞相有文集數十

卷

余璿字崑美一名賜古田人仕南唐為左拾遺後家南劍之將樂璿善唐律有拾遺集

宋

黃夷簡字明舉福州人父延樞為王審知從事甚被親遇王延鈞以女妻之錢氏取福州署光祿卿後

簡少孤好學有名於江東初為錢惟治明州判官後隨錢俶入朝累遷都官郎中掌名表人頗稱其得體歷光祿少卿秘書監平江軍節度副使卒夷簡喜談論善屬文尤工詩太宗真宗俱以其嘗勸俶入朝加

禮遇  
焉

林陶閩縣人景德中中宏詞科累官比曹員外郎有集四卷又著元統二十卷詞旨諠博

蔡蒙叟字素臣閩縣人博通古今隱居教授從遊甚衆諫議陳從易洎里中達官顯仕皆北面焉郡守

李欣薦授本州助教年八十餘卒號  
貞白子著繩子三卷凡五十七篇

陳簡能

字知柔閩縣人善古文辭  
有志節大中祥符間及第

黃鼇

江人六歲能詩運思敏捷縣尉劉立之奇之  
於郡大中祥符間應童子科賜進士出身

俞咸熙

閩縣人少應舉不偶遂閉戶窮經性尚凝靜  
操履純潔鄉里稱為長者著有文集十卷

林洪範

閩縣人幼苦學博通經傳屬文宏麗累舉不  
第後還家教授鄉里著諸經義方三十卷

鄭叔豹

福清人元祐間上兵器圖宗祀書明堂制度及  
酌享冕服之儀數卷兄叔熊亦好談兵王安石

有詩送  
之歸閩

黃邦俊

永福人政和中進士累遷大理丞後知英州著  
真陽共理集二卷胥訓告文三卷纂韻譜六卷

強記集  
六卷

陳若冲

字德用福清人紹興中進士通判廣州以經學詞章為汪彥藻柳彥質李邴趙鼎所知著有藍

溪集同邑許拱辰著有玉融新對高若虎字仲容著有渤海詩話

黃顏榮

字全仁福清人紹興中進士著有六經解易春秋論語說人稱葉山先生

蕭德藻

字東大閩清人紹興中進士為烏程令後遂家馬居屏山自號千巖老人楊萬里稱之云近世

詩人若范石湖之清新尤梁溪之平淡陸放翁之數腴蕭千巖之工緻余所畏也著有千巖擇稿

盧孝孫

字玉溪閩縣人奉親孝養篤志好學研究伊洛之書深契其旨著書立說發明見於性理大全

學者宗之  
卒葬藤山

朱金發

字冕仲福清人  
相與之際論陳傅良稱之  
調龍巖簿嘗作天

林文之

字子彬福清人  
宋時文體纖弱文之刺意追古  
作者劉克莊謂文之曰後來文印屬之子矣所

著有通鑑綱目朱  
墨并若存文集

陳德一

字長明連江人  
少穎異經史百家靡不通貫以  
詞賦豪一時紹熙中成進士分教京口以六經

以教人嘉定間為清潭郡丞歷宜陽守有諸子總解

橫舟文集  
行於世

林圀

字伯農福清人  
慶元中進士以母老不仕  
構堂於新安九竹山著書考古以自娛扁曰十竹山房與

葉水心交善所著有漢書彙識班簡考異洛  
陽圖併疏卒於九竹山鄉人即山房祀之

余元泰 羅源人 景定中進士 文詞博雅 嘗採邑賢事 實可裨名教者 類編成書 名曰鐘懂嘉話

余發林 字希董 古田人 咸淳中進士 授崇安縣 尉 博學有俊才 門人集其文 號愛梅集

林宗道 字仲學 福清人 景定間鄉薦 性聰敏 為文章 立就善隸書 晚年筆益蒼勁

葉子儀 侯官人 文章博洽 有絳毫 集及易元神契行於世

黃諤 字忠甫 清人 博通群書 所著有玉融志 容安拾 稿 同縣有卓立著 西溪文集 陳寬著 龍門紀夢集

黃銳 著 龍山集 陳革 著 中隱集

林萬頃 字叔度 福清人 著詩易春秋 解同縣有夏良規 字遵矩 著六經語孟 解林環 字景溫 著通鑑記

纂林文昭 字宗範 著論語註 又連 江李琪 字孟開 著春秋王霸世紀

元

郭墜字德基長樂人父正子紹定壬辰進士著春秋傳

論十卷墜至元中舉遺逸授興化路教授改吳江

集

明

張以寧字志道古田人元泰定中進士累官翰林學士

洪武間徵至京師命撰鍾山說上之拜翰林侍

讀學士知制誥兼脩國史遣使安南未至國會安南

書嘉勞御製詩十章慰勉之尋卒於交州詔迎柩歸

葬給三載祿卹其家以寧忠厚通敏於州詞命所著

福建通志

七

有翠屏集淮南紀行諸集宋濂稱其  
豐腴雄峭清圓委蛇為一代奇作云

陳亮字景明長樂人元末諸生為詩冲淡悠遠有陶孟  
之致洪永中累詔郡縣徵遺逸或推轂之亮笑不

應作讀陳搏傳以見志築小樓山中購四方名書歲  
之日與高廷禮王恭周元輩載酒泛舟登山選勝意

豁如也著  
有滄洲集

鍾耆德字元長閩縣人性至孝元末隱居貧不能娶親  
歿以雞豚不遠為恨哀慟幾絕博極羣書詞律

清雅為一時推重弟明德亦  
詩名所著有養正集自省錄

鄭旭字景初閩縣人洪武初舉學行為國子掌儀太祖  
幸太學親選才德兼備者十人以傳東宮旭居第

二後以蜚語謫吏雲南建文中以明經起為高安訓  
導卒旭於經史子集無所不窺為王偁林誌所推重



著有詩經總旨初學  
提綱咏竹稿諸書

林鴻

字子羽福清人少任俠不羈讀書能強記洪武初

祖臨軒試龍池春曉孤雁二詩名動京師尋自免歸  
三山周元黃元皆師事之所謂二元也閩人言詩皆

本鴻林敏陳仲宏鄭閩林伯璟張友謙趙迪諸人皆  
鴻之弟子晉陵浦舍人源聞鴻名不遠來謁鴻使門

人見之源出詩投贄誦至雲邊路繞巴山色樹裏河  
流漢水聲句驚曰此吾家詩也入白鴻出見甚懼邀

入社避所居舍之  
所著有鳴盛集

林慈

字志仁長樂人力學稽古嫻於文詞洪武間  
以明經薦任本縣訓導歷國子博士有詩集

王侗

字孟揚父翰靈武人元季為閩行省郎中後棄官  
匿永福山中遂家焉侗少孤從父友吳海學於書

無所不通意氣豪爽解縉稱其人當在蘇長公之列  
文亦相類詩則力追漢唐舉洪武鄉試遊太學以養  
母歸母卒廬墓六年永樂初以薦授翰林院檢討為  
大典總裁官後從英國公張輔討平交趾交趾叛謫  
交州又坐與解縉善逮  
詔獄瘦死著有虛舟集

王褒

字中美閩縣人洪武間以國子生領應天鄉薦授  
瑞州教授永樂中朝京師與脩太祖實錄書成擢

脩撰又脩大典為總裁官改漢府紀善時海內無事  
每遇禎祥或令節輒命從臣賦詩褒應制多稱旨好  
汲引士類同郡陳仲完高廷禮王恭皆因褒以進子  
肇字開若工詩文書畫永樂中屢徵不起著有蒙齋  
集五世孫應鍾另有傳  
應時官雲南按察使

唐泰

候官人洪武中進士授行人擢浙江按察司僉事  
永樂中陞陝西按察司副使卒泰善聲詩與黃濟

輩號閩南十才子  
所著有善鳴集

林祖字希述福清人洪武丁丑會試乙榜補國子助教

下朝覲官有權貴以故人為囑不徇其請左遷銅仁  
府判擢一僕至銅仁見無公著空囊徒步歸隱於隆

東田舍著有隆東  
北窓稿人爭傳之

陳登字思孝長樂人洪武中以儒士授羅田縣丞善文  
詞尤工篆籀擅名海內凡周秦以來彝鼎款識石

刻殘缺皆能辨之永樂間召入翰林預脩國史授中  
書舍人侍詔吳郡滕用亨以文字負重名見其後進

心易之嘗與辨難許氏說文登隨問隨答用亨愧服  
宣德間卒於官有石田吟稿弟全字果之永樂中進

士第二人授編脩預脩永樂大典  
性理大全擢侍講著有蒙菴集

夏太和南國子監助教侍講經筵太祖喜曰真乃儒士

也因乞骸骨賜詩以榮其歸詩云千林掃作一番黃  
只有芙蓉獨自芳喚作拒霜名未稱思量却是最宜

霜

鄭居貞父潛新安人宦閩遂家於懷安之辰山洪武中  
居貞舉明經官河南左叅政與方孝孺友善

孝孺教授漢中居貞作鳳雛行贈之後坐孝孺黨死  
於金陵著有閩南關隴歸來檜廷諸稿孫均亦能詩

鄭定字孟宣閩縣人善擊劍工古篆行書陳有定辟為  
記室有定敗亡命交廣間遷居長樂洪武末年徵

授延平訓導歷國子  
助教所著有澹齋集

周元字又元一字微之閩縣人永樂初以文學徵授禮  
部員外郎其詩瑰奇悲壯嘗賦揭天謠論者以為

不減李賀初遊長樂令蒼頭肩書數千卷止高廷禮家無何別去盡棄其書曰在吾腹中矣其穎悟如此

所著有  
宜秋集

黃元將樂人從林鴻學詩鴻嘗有詩云青衿二十徒達者惟黃元遂挈家入福州終身師事焉以貢授泉

州訓導卒著有鳴秋集同時有福清馬英閩縣唐震侯官王鍵懷安鄭洪皆有詩名

陳景著名從以字行閩縣人舉永樂進士第三人授翰林編脩預脩五經四書性理大全書成丐祿便

養改本府教授父歿以  
母老不願仕終於家

高廷禮初名棟字彥恢自號漫士長樂人宋尚書張鎮後祖麟繼於高遂氏馬棟事親以孝聞博學工

詩嘗綜三唐詩定其正變曰品彙曰正聲凡百餘卷又拾遺十卷鑒精論核海內宗之永樂時以布衣召

入翰林為侍詔遷典籍卒年七十四棟善書畫  
工漢隸世稱三絕著有木天清氣集嘯臺集

陳輝字伯煒閩縣人永樂中進士授監察御史官終廣  
東按察副使居官有清名才識高遠工詩能書善

鼓琴著有琴  
邊清唱集

王恭字安仲閩縣人少食貧採樵山中自號雪山樵者  
善為詩歌揮毫立就永樂初以薦至京師預脩大

典年六十餘矣同郡王偁戲謂曰君無以會稽章綬  
故來耶恭答曰無深誚我山中斧柯幸自無恙大典

成授翰林典籍不就歸倘佯丘壑間廬陵解縉稱其  
布衣蕭然不慕榮寵強起決去若朝陽孤鳳所著有

白雲樵唱草澤狂  
歌鳳臺清嘯諸集

高淮字秦仲長樂人永樂丁酉舉人通三禮嘗代邑令  
作諭俗文為時所稱以鄉舉入都姻舊多居要地

淮自守不往謁居國學數歲以祖母父母年高乞歸  
養自稱竹所老人著書三十餘卷解縉馬鐸為之序

林洵仁

字信民福清人業春秋兼習百家天文地理醫  
卜之術弱冠授徒鄉邑嚴毅方正年七十九沐

浴具衣冠而逝著有芸軒稿藏於家

戴膺

字仕孝福清人嗜學勵志永樂間以善書詔入文  
淵閣纂脩實錄宣宗在東官膺侍講讀著有文淵

吟稿歌雍集真草篆隸千字文行世

趙恢

字汝宏連江人宣德癸丑殿試第二人授翰林院  
編脩擢侍讀充經筵講官晉左春坊庶子兼侍讀

纂脩國史戊辰會試詔以歷科主司錄文有戾經旨  
特命恢分闈釐正文體黜浮崇實一時文風咸歸於

正癸酉復典南闈所拔皆知名士景  
泰元年冊封南海神還朝以疾告歸

陳焯

字文厚叔紹子領成化鄉薦焯才豪氣逸脫畧世故上公車不偶輒斷家累去義溪十里營桐山而

居蕭然一榻嘯歌酣適善行草書其詩有叩竹聲寒天地秋拂鬢目送滄江晚之句

羅泰

字宗讓閩縣人性穎異經傳子史無不涉獵尤邃於易春秋鄉後進以二經登高第者多出其門弟

澤舉進士二子紋繹俱領鄉薦與同邑林誌革相倡為古文詩尤工有覺非集行於世

林敏

字漢孟長樂人讀書過目成誦為詩清新雋永以盛唐為宗屢薦皆弗就同時長樂有陳本字叔固

閩縣有林枝字昌達俱善詩文耽隱不仕

傅汝舟

字木虛自號丁戊山人候官人博學有異才攻四聲御史李元陽欲見之汝舟角巾道服至戟

門元陽方踞坐堂上汝舟却立不進元陽不得已迎之入與談經史性命象緯術數諸子百家其應如響



始大驚異以上客禮之汝舟性高曠有吟藝棄存越遠  
遊桂林象郡間二十餘年歸卒著有吟藝棄存越吟  
諸稿弟汝楫字木剡工詩歌時稱二傳同時有林銑  
字克相以詩名與鄭善夫友善銑舉進士官御史為  
文好用奇字令人不  
識久之已亦不識也

高澂

字宗呂候官人善屬文自號石門山人善畫尤工  
隸草諸體書嘗遊吏部鄭善夫之門善夫死以遺

文妻子  
托焉

劉鶴翔字雲卿閩縣人嘉靖戊午舉人官彭澤知縣工  
詩古文詞以推健典則稱同時孝廉有謝宜相

謝啟元薛欽徐  
拱葉麟俱能詩

何御字範之福清人嘉靖戊戌進士歷兩淮運使  
有清操歸隱白湖尤工於詩著有白湖集

陳址 字道從連江人嘉靖庚子舉人知臨高縣臨婚俗之

詒遷 知嘉定州旋歿於瓊州海上士民思之與

林世璧 字天瑞閩縣人炫之子少有俊才為詩歌古文詞豪宕俊與著有彤雲集客問世璧海內誰可

與談 詩者世璧瞳視良久曰獨郭稚源耳稚源古田郭文涓也時懷安林鳳儀閩縣邵傳福清王廷欽皆

豪於文能詩  
與世璧齊名

黃用中 字道行閩縣人能詩善書時寫意作山水石註釋唐駱丞集十卷行世

林懋和 字惟介閩縣人天資絕人少喪父家貧與寡母相依舉嘉靖辛丑進士選庶常改禮部有庶能

聲出 督楚學歷廣東左布政巧歸懋和跋歷中外手不停披藏書數萬卷三教尤流醫卜之學罔不窮究

詩文秀麗典則年八十餘卒  
所著有櫟寄集及雙臺詩選

林有臺

字南山閩縣人與姪元立同登嘉靖乙卯鄉薦  
歷官戶部郎中能詩兼工山水於唐宋名人墨

跡靡不精考有  
南山集行世

袁表

字景從閩縣人嘉靖中舉人授中書舍人轉戶部  
郎出為黎平太守病免表少即以詩名宗開元大

歷作者精嚴有法著逋客集八卷與張刑部  
煒馬叅軍淡相膺和子敬烈字無競有詩名

郭造卿

字建初福清人以選貢入成均詩文蒼麗淹雅  
戚繼光禮為上客往來塞上十餘年九邊三輔

阮塞歷歷如指諸掌以豪與聞當世所著燕史永  
平志盧龍塞畧玉融古史諸書及詩文集若干卷

林章

字初文七歲能詩嘉靖末倭寇閩年十三上書督  
府求自試行間十七舉於鄉嘗走塞上從戚繼光

游座上作灤陽宴別序酒未三巡詩序並就後挈家寓金陵性好公正發憤坐事繫獄三年走燕京闕白之亂兩上書請出海上市兵勦賊不報萬厯初復抗疏請止礦稅兼陳行鹽之策駸日本和議之非為忌者所中下獄憤懣暴病卒著有初文集子君遷古度皆能詩

翁興賢

字懋卿候官人萬厯初以貢司訓建陽厯延平教授與諸生談經講業一稟宋儒傳註遷兩浙

運判乞歸著有易經理解十二卷

王應山

字懋宣侯官人讀書博覽以春秋教授生徒四方從者如雲其詩宗大歷婉而多致監司守令

常式其廬食貧篤行無所干謁林宗伯爇纂脩郡志多所裁定晚年苦心編摩著有閩都紀三十三卷

趙世顯

字仁甫候官人萬厯癸未進士風度秀整詩宗盛唐初任池州司李左遷稍起為梁山令轉別

駕以母老不赴自負才名鬱鬱不得志杜門却執以  
文酒自娛達官罕識其面所著有芝園稿山居闕下

諸集

王湛

字汝存閩縣人博學有偉才盡通百家  
之言文尚聲華萬歷中歲貢有王生集

徐燭

字惟和閩縣人永寧令棉子與弟布衣燭俱擅才  
名燭舉萬歷戊子鄉薦著有幔亭集二十卷又選

晉安風雅十二卷燭字惟起博學工文善草隸書詩  
歌婉麗萬歷間與曹學佺狎主閩中詩壇性嗜古家

多藏書著有徐氏筆精榕陰新檢紅雨樓集燭子延  
壽字存永詞賦激昂有尺木堂稿孫鍾震字器之有

雪樵集

康彥登

字元龍閩縣諸生為人慷慨負氣一言不合輒  
拂袖去嘗游歷邊塞無所遇有朔方游稿年三

十六貧  
困以死

林子勉字行甫福清人以恩貢選長泰訓導轉泉州教授子應典淹洽名儒以明經司訓雲和孫贊卿

善詩文有傳硯  
田集三十卷

陳鴻字叔度侯官人起於寒微工詩曹學佺招人社集聽泉閣有一山在水次終日有泉聲之句大加歎

賞由是名大著名其詩曰秋室篇卒年七十三貧不能葬同里醜金與莆田趙十五合葬於福郡小西湖

側之

鄭邦祥字孟麟閩縣人郡文學掌故三中副車從得復失與曹學佺謝肇淛徐燠徐勣樹懺騷壇著有

玉蟾菴詩編七卷子楨字立姬順治辛卯榜孝友能文孫善述字孚世康熙庚子舉人知固安縣著有

敬收  
堂集

鄭琰

字翰卿閩縣人布衣任俠閩中詞館諸公爭延致之高文典冊多出其手每閉閣不聽出琰笑曰吾

具有鬚眉安能作三日新婦悒悒悶死遂走之金陵新安富人吳生以上客禮之琰醉後嫚罵為吳所構

捕置京兆獄瘐死徐興公劾常稱琰工七言少遊邊疆集中多悲壯語有半生行尤膾炙人口

高國定

字一甫古田人博通風雅以貢不仕所著有雪濤集從子竒字希珍著醉餘集同邑郭岱字海

國著彙古萃玉集林喬材字世臣著秋霞子集郭竒字正夫著得得集又高世科字希愷節廸字九行皆

有名  
於時

安國賢

字蓋卿萬厝中福州左衛應襲指揮使長於聲詩好義樂施為人所重有駮音白雲諸集

陳介夫

字伯孺閩縣人性曠達好吟咏尤精書畫所著

工麗萬厯甲午舉於鄉有水明樓集行世同時閩縣

陳鳴鶴字汝翔候官陳仲溱字惟泰陳宏已字振在

林茂槐

字穉虛福清人萬厯乙未進士授梧州推官治

書疑等

王宇

字永啟閩縣人萬厯庚戌進士歷南兵部武選員

擢山東督學叅議又轉北戶部員外郎著有詩文集及經書說行世

何璧

字玉長福清人沂施使酒常亡命匿清流王若家

畫讀其藏書走依林古度曹學任於金陵聞邑令



楚人張濤好奇士投詩四章濤大驚延為上客贈千金後濤開府於遼璧往從之將疏薦為大將會罷鎮而止璧諳習遼事番漢情形如指諸掌每酒後抵掌雄談人皆笑之濤死入楚史之病死濤門人胡汝淳權關荆州買棺葬之沙市表曰閩俠士何璧墓

王穎如

字哲開閩縣人資性敏異氣度宏遠老於諸生詩文華麗典則著孝經頌贊及三樓紀勝諸篇

施兆昂

字顯昆福清人萬歷己未進士選翰林庶吉士學問淹博工詩賦精書畫寸縑尺楮人爭寶之

閩佳山水輒心動常手闢福廬三天門及靈巖肅臺禮斗壇諸蹟有館課西江集天尺樓稿行世

鄭騰雲

字汝奇福清人天啓辛酉鄉薦知汝皋縣有政聲以忤權要歸隱於漁溪之桃源以詩酒自娛

精草法有草帖  
石刻十卷行世

薛敬孟

字子熙福清人崇禎中貢生明亡不求聞達放浪山水間工諸體詩有擊鐵集十卷

王侯聘

字席卿候官人崇禎癸酉鄉薦博通羣書抱才尚氣尤好溪山所著有握粟集

陳元登

字龍淮連江人明季以氣節自持工書畫其詩歌古文詞類多感慨所著有漁村詩文集謹篇

廣伐山集茶譜龍  
鸚集海錯圖贊

鄭羽儀

字敬生閩縣人崇禎癸未進士授中書舍人典試粵中明亡殉難著有戴禮新旨行世

嚴通

字白海福清人父蚤喪其母令負布縷帶帛行鬻市中民部鄭廷楫時為塾師一見異之令白其母

就學後登崇禎癸未進士流賊破北京通需次在京攝敝衣冠自問道奔歸隱江陰小嶼中侍母日縱酒

嘯吟不出會浙有獄牽誣被逮死獄中  
著有白漁集藍閣逸纂春秋箋十餘卷

韓廷錫字晉之候官人博綜經史為竟陵鍾惺所知築別業於道山之榕庵所著手自編錄名榕庵集

與諸生齊莊字望子李時成字明六林蕙字孟采交善莊著述甚富時成有白湖集蕙有讓竹亭集同時

又有陳元綸字道掌以文翰名鄧庭曾字約齋著禮記存疑四卷王時遇字達字篤志力學至老不衰王

戶字有巢能詩善古篆隸

王奐字子疑閩縣人博學善屬文與同年林孕祺字序之樊翮字逸少陳輔字晚亭鄭愈字遜之林懋勉

字伯奮邵景文字長倩相切劇為古文詩歌恒撫時觸景以見志著述各有數十卷藏於家

方仲夔字汝典候官人勤脩力學教授生徒同時有諸生莊脩字治三葉履春字端卿鄭大紳字近吾

李時健字行甫趙鐸字孟覺何斌字德觀楊玉樹字承謨戴穆夫字古度孝廉節壽朋字戒從學博王叔

俊字升之鄧景卿字叔表俱閩縣人諸生洪勳字孟功郭宗禹字不伐陳秉誠字心源俱候官縣人皆積學砥行北面授經後多貴顯云

陳選字子俊閩縣布衣積學能文章飭躬砥行雅以著述自娛啟禎間遊江淮歷覽景物悲歌見志著有

亦呂集子祖虞字燕臣博洽羣書工古文詞尤長樂府著有樂府隨錄行世

### 國朝

陳軾字靜機崇禎庚辰進士淹貫博洽諸體擅長國朝授蒼梧道解組歸葺道山故居著書一室著有

道山前後集

鄭宗圭字圭甫閩縣人崇禎壬午舉人國朝為烏程今沈酣經史著讀史卮言十卷又有山園堂集

及續讀史諸篇  
年九十五卒

林泉

字六一閩縣人崇禎壬午舉人國朝授漳浦教諭講經課文多所造就尤博綜今古歲書數千卷

皆手自丹黃所著有  
數堂詩文集行世

楊維熊

字乃武侯官人學志古人不慕榮利講學於菴江幕浦三十年足跡不至城市所著有周禮管

子詳講尚書要言  
學者稱幕浦先生

黃晉良

字朗伯閩縣人明季弟子員得黃道周易象正三易洞璣二書窮年伏誦明平陂徃復之數重

氣節善排難解紛人比之魯仲連工詩古文詞長於  
書法遍遊齊楚吳粵間每托詩文以見志晚號東叟

還居三山之井上草堂  
所著古文詩歌若干卷

薛鎔

字子熒福清人候官學生舉明經甲申闕寇起山

海交江鎔以重名屢却徵辟授徒自給抱道守節

以著述自任嘗遊越中梓南窻草存六卷其未梓者

許友

字友介號斷香侯官人為詩空所依傍出口如高

秋遠籟尤工書畫酷慕米襄陽搆米友堂辦香祀

之有米友堂集傳於世子遇字不棄詩翰有父風工

黃璣

字基王文煥子喜任俠倜儻不羈國初歷官廣

東肇羅僉事一載乞歸養居金陵性愛佳山水以

吟咏自豪為詩縱橫有法度與許友齊名兼工畫喜

作幽蘭奇石皆有生氣著有姬山集岱遊草西江日

著有紫藤  
花庵詩鈔

譜

趙沂字閏仙閩縣人順治己亥進士任新城令以病歸  
為古心道貌瀟灑出塵文彩道艷有燕遊草歸

來堂集

吳道來字子紱候官人順治庚子鄉薦第一丁未成進  
士任內宏文院誥勅撰文中書文學德行並推

當時著有鄴城  
百詠卒於官

林逸字德子博學能文順治庚子舉於鄉著麟經講義  
後學堂詩文集子秉中字與人庚午己卯兩中副

車積學砥行精行楷八分著  
有四書日講貽桂軒詩文集

楊獻策字文子福清人順治庚子副榜性嚴毅力  
學砥行一時從遊最盛有懷古堂集行世

方喬植

字仲溉，候官人。博學洽聞，與同郡林塗、嚴通、陳聖泰、陳立敏、革樹、懺文、壇聚、徒講、學以德行經

術為根本。順治初，以貢為高州教授。擢肇慶府同知。

鄭磊

字三石，閩縣人。康熙己巳歲貢。性豪宕，善草書。詩名籍甚。有南湖集五十卷。

林侗

字同人，閩縣人。博涉經史，弱冠食餼於庠。隨宦三秦，縱觀三輔，名勝歷遊。邊徼走莊浪、涼州、間金石

碑版，搜羅考訂，無遺。康熙丙辰，秦檄署尤溪，教諭以二親垂老，絕意功名。卜居於城西，荔水莊。老屋荒池，

以著述吟咏自娛。所著有來齋選古井野識、塗昭陵石蹟考畧、金石考畧、李忠定公綱年譜、年八十八卒。

陳敬求

字士簡，福清人。康熙辛酉舉人。為郵縣令，渾厚敦摯，執親喪，苦塊三年。與同胞元琳愛敬終

身，鄉閭敬之。工詩文，翰墨老而弗倦。日與朋好，以詩酒自娛。卒於家。



陳祈廣字漢如侯官廩生為人溫文爾雅刻意古學耻作時下文字詩歌規撫唐賢著有望雲樓詩文

稿

王九徵字明侯官人博極羣書工詩古文詞遊歷名山勝聚多所題咏老謝舉子業杜門課子以詩

史自娛著有北征日記墨禪水雲諸草竹邨詩集

林儀字羽倩候官人康熙甲子副榜夙慧嗜學精書法工詩文為一時推重梓有同園韓蘇文選行世

郭人麟字嘉瑞福清人康熙庚午副榜性篤孝居喪悉遵古禮天才敏妙工詩賦古文行章繪事咸為

當世所重晚益嗜書閉戶體玩著述日富有藥村外集藥村詞譜藥村留草學語集藥村詩義杞光亭草

拙亭次韻詩諸種

方邁

字子向閩縣人康熙甲戌進士初令蕭山調蘭溪尋解組歸卒邁博極羣書議論醇正以著述自任

著有四書講義十六卷九經行義一百卷春秋補傳十二卷考正資治通鑑前編十八卷古今通韻輯要

六卷子侗康熙庚子舉人

鄭霄

字孟麟連江人康熙丙子舉人淹貫談洽淡於仕進授定陶令以艱歸起補刑部主事未六十日乞

歸嘗倡脩江南橋手輯連江邑志著有燕石緘集

林祖望

字脩伯閩縣人康熙癸未進士授翰林庶吉士未幾卒生平為文雅不一律兩擬巍科未竟厥

志士論惜之著有禮記詮解

郭雍

字仲穆福清人康熙癸巳恩科舉人事母孝性高潔博學能文詩窺唐人閻與書法妙一時自訂有

約園詩集

興化府

唐

林藻字緯乾莆田人披次子少有志尚與歐陽詹讀書

試合浦還珠賦藁成假寐見人語之曰何不叙珠去

來藻悟援筆脩之果中第及見主司杜黃裳曰叙珠去

去來豈有神助耶官至殿中侍御史

甫人第進士自藻始著有集二卷

鄭良士字君夢仙遊人景福二年獻詩五百篇授國子

為左散騎常侍有白巖詩文集

中壘集子八人俱博學能文

徐寅字昭夢莆田人博涉經史尤長於賦乾寧元年第八

進士授秘書省正字有賦五卷採龍集五卷詩八

卷七代孫銑鐸同舉宋熙寧九年進士鐸第一

時有龍虎榜頭孫嗣祖鳳凰池上弟聯兄之稱

楊在堯其先華陰人入閩居仙遊之梁山登

天祐二年進士終右補闕有文集

五代

陳致雍莆田人仕偽閩為太常卿入南唐以通禮及第

舊章典故多所諳練後歸宋開寶中除秘書監

致仕徐鉉送以詩有三朝恩澤馮唐老萬里鄉關賀

監歸之句既歸陳洪進辟掌書記擬海物異名志五

禮儀鑑後好事者編次其在南

唐為禮官時論議為曲臺奏議

宋

陳絳莆田人高祖嶠唐光啟中進士殿中侍御史絳舉

起居舍人以工部郎中知福州左遷藤州通判有文集十二卷子動之以文名當世與弟說之同年登第

王安石歐陽脩甚愛重之

鄭伯玉字寶臣莆田人景祐元年進士試秘書省校書郎韓琦薦為殿中侍御史為人峭直不屈權貴

好為詩所作三百餘篇名錦囊集時人以與陳琪方孝寧彙為烏山三賢詩子叔僑孫事道俱有集行世

方龜年莆田人景祐元年進士官至屯田郎中著有經史解題四十五卷羣書新語十卷卒葬姑蘇子

惟深因家馬舉進士不第晚為興化軍助教王安石最愛其詩謂元白陸皮諸人不及也著有方秘校集

蔡高字君山仙遊人襄弟景祐元年進士初調長溪尉遷太康主簿嘗與歐陽脩言曰天子以六科策士

而學者以記問應對為事非古取士意乃自攻苦為學年二十八卒兄襄發其遺藁得數十萬言皆當世急務後朝廷與大臣議天下利害列為條目於高槁得其五六一時歎為奇才

吳世延 莆田人景祐五年進士授朝奉郎歷知梧州有詩集行世

鄭昇 字元舉南湖淑之後自莆遷仙遊子孫遂為仙遊人昇登皇祐元年進士試秘書省校書郎少刻苦

問學深於易春秋皆有著述以發疑義

劉宇 莆田人皇祐中選毛鄭詩折衷二十卷

黃君俞 字廷僉莆田人父問博通五經創上林義齋立五規以聚英俊君俞幼強學著書百卷名動京

師治平間試開封第一四黜禮部以薦召試除國子直講改館閣校勘卒

余授仙遊人熙寧六年進士初調候官尉遷校書郎博學能文多所著作官至京西提舉

黃穎字仲實莆田人嘗從陳襄學於毗陵襄愛其文置於經社元祐間孫莘老條其學行哲宗詔降祀芴

就其家起之知長泰縣晨治邑事日中與諸生講肄經旨逾暮而歸卒士民齋金以賻子公坦一無所受

進士官通直郎

林迪字吉夫興化人紹聖元年進士授福州左司理獄多平反尋知龍溪蔡京林出也欲與交迪拒之

請祠歸著詩文百餘卷又詠唐史別為一編以寓褒貶之意

張弼字舜元仙遊人恬淡好學尤刻意於易久而益信推明為書有漢晉易家所不到者紹聖初大臣以

其名聞并上所著易解九卷賜號葆光處士歷泉州教授卒

方畧

字作謀莆田人崇寧五年進士提舉廣東常平宣和初以不附燕雲之議忤王黼貶知夔州後知潮

州乞祠歸雅喜讀書作萬卷樓貯之所著有詩集一卷

徐師仁

字從聖莆田人幼敏悟甫七歲過母家值外祖讀霍光傳疑光何為不學無術師仁曰伊尹放

太甲而光不知非不學耶外祖驚異大觀三年登第歷秘書省校書郎時修史遍選天下名儒得四人倪

若川劉大中汪藻師仁居其一後遷著作佐郎在東觀得讀未見書有集行於世弟壽仁天資軒爽好讀

書為文追古作者尤長於詩

陳子常

字常翁仙遊人精於封建井田之制畫為圖發先儒所未發著有周禮解義子堯道端平二年

進士歷右諫議大夫有大學中庸說及平湖文集



方亞夫

字幾仲興化人三舉禮部再擢第一大觀三年以甲科賜第終平江牧授有文翰名

鄭廷芬

字國華興化人蚤以詞藝著聲大觀三年登第自博士加直秘閣歷成都轉運副使卒於官所

著有易索  
隱等書

方漸

莆田人重和元年進士官至朝散郎清白自矢所至攜書而行手竄輯數千卷築小屋藏之榜曰富

文鄭樵嘗就讀焉孫其義字同甫亦工詩文

陳昭度

字元矩興化人紹興五年進士為尤溪主簿部使移檄令据撫屬吏過失昭度不悅曰吾忍為

是耶拂衣去以讀書著文為樂自號西軒子後教授藤州以正學勵士改知長樂縣未上卒著有西軒集

十卷刻舟  
集三十卷

林大鼐

字梅卿莆田人紹興五年進士由諸王宮大小學教授歷官右諫議大夫兼侍講權吏部尚書

為秦檜所忌出知泉州卒大鼐性好書奇篇隱帙行詞與語悉能道之劉夙謂其抉奇摘怪窮探極取王

勃吳融未應獨步所著有鐵硯集

鄭厚

字景章興化人學問該博與從弟樵講學從者甚衆紹興五年再舉禮部奏賦第一廷對六千言指

陳無隱高宗聞其姓名有詔授左從事郎泉州觀察推官著有相鄉文集藝圃折衷詩雜說各若干卷

薛璨

字卓然興化人紹興十八年進士諫貫羣書文章雄偉人以比之鄭厚鄭樵官終永福簿著有防邊

十論及  
考古集

蔣雖  
字元肅仙遊人博學強記下筆數千言與林光朝輩十人俱知名稱莆陽十先生紹興中登進士教

授泉州嘗撰時政十議王十朋見而歎曰經世之文也後知通州退居以壽終著有樸齋文稿三十卷子祈字子舉北歸卒有虬蟬集十卷

留洪字叔厚仙遊人紹興三十年進士歷官德慶知府有晉康文集三十卷

謝洪字範卿興化人少聰悟有文名父穆嘗以事忤縣令洪急趨救令指庭梅使賦洪援筆立就令異之

後擢紹興三十年進士任海豐主簿廉介自持尋引歸有文集十卷

黃鍾字器之興化人乾道五年進士調德化尉喜著述每出必以書自隨嘗湖三皇迄五代作紀傳名曰

史要

黃補字季全莆田人侍父宦惠州適永嘉陳鵬飛謫居於此因從之遊為學專用心於內教授於鄉及門

數百人乾道八年登特科授文學  
調高要尉卒著有九經解等書

林立之

字淑恭仙遊人通六經以禮記三魁鄉書聚徒  
邑庠鄉先達多出其門仙遊經學之盛自立之

始

傅蒙

字景初仙遊人從林光朝遊工詞賦兼五經孝宗  
朝嘗上萬言書退而講學龍池以淑後進有詩講

義論語講  
義若干卷

林肅

字恭之仙遊人少有文名與傅蒙遊林光朝門登  
淳熙二年進士試教官科中首選調臨安府學教

授

蘇權

字元中仙遊人少侍父洸宦賓州從張棻學淳熙  
十一年登第調梧州推官終辰州守有春秋解三

卷

林蒙亨

字宿西仙遊人博通諸子百家興泉學者多從之遊

余日華

字君實仙遊人崇龜子嘉泰二年進士知潮陽縣嗜詩史工文翰所居擷英閣藏書萬卷法書

名畫參錯其間著有兌齋文集凌江唱和集

方審權

字立之莆田人家積書甚富環居有田數畝每歎曰吾耕讀於此足了一生矣與劉克莊王邁

相友善著  
有聽蛙集

何伸

莆田人曾祖清死靖康勤王之役祖德以戰功宣差步軍指揮使伸少嗜詩德嘗謂不武乃棄去習

馳射感事傷時憂憤激切必於詩發之自開禧用兵伸應召以行每春秋應試弓馬外輒陳詩自見劉克

莊見其詩歎曰斯人讀書多落筆工深惜相知之晚  
子謙字光叔性孤介亦能詩父子並為陳宓所重云

劉克莊

字潛夫莆田人夙孫嘉定二年以郊恩補宣教  
郎知建陽縣言官李知孝撫其所詠落梅詩以

為訛謗鄭清之力辨之得釋淳祐初令赴行在特賜  
同進士出身除秘書少監兼中書舍人奏史嵩之有

無父之罪四無君之罪七為侍御史章瑛劾罷尋復  
舊職歷龍圖閣學士致仕卒諡文定克莊有文名真

德秀嘗以學貫古今文追騷雅薦之著有後村居士  
前後續新四集行世弟克遜字無競歷知潮州有忠

聲

鄭可復

字彥修仙遊人昇孫嘉定七年進士調東陽尉  
邑人喬行簡方處要路族黨撓法可復守正不

少屈行簡深器之官至朝奉郎性喜古書手自  
編校嘗修爾雅刊戴氏禮晚年積書至數千卷

柯夢得

字東海莆田人嘉定七年特奏名好苦吟古詩學孟東野有抱甕集及選唐絕句

李俊甫

字幼傑莆田人嘉定十年進士嘗作莆陽比事上考史記旁撫紀錄下至諸家文集行實碑碣

書牘悉心採掇參諸故老積十餘年始成釐為七卷儷詞偶事珠聯璧合林瑑陳謙為之序

林礪

字豈獻仙遊人嘉定十三年進士博通五經從遊者衆王邁嘗師事之官海陽尉著有典故鉤元集

卷六十

鄭鼎新

字中實仙遊人嘉定十六年進士少受業黃幹之門考究禮書成編名曰禮學舉要又撰禮學

從宜集後知晉江建問政堂輯論語繫政治者書於壁又立尊道堂時真德秀守泉深禮重之

方汝一

字清卿莆田人幼奇逸以考古著書自娛所著易論江東將相論評兩漢史贊各若干篇著有

小園  
僻藁

陳均

字平甫莆田人。力學好古。嘗參稽宋史及司馬氏稽古錄徐氏國紀李氏續通鑑長編諸書。用通鑑氏

綱目義例輯成宋編年舉要。倫要二書。起太祖建隆庚申迄寧宗嘉定甲申。凡數十卷。端平初有言於朝

者。下福州取其書。勅賜地。功郎不受。

林興宗

字景復。莆田人。以門廕補官。歷淮安州。法曹。值李全既降。復叛。流落海州。膠西青社。十餘年。淳

祐中。趙葵在淮。聞興宗。屢以帛書報敵。情得。間歸葵。隱其告。身如故。白於朝。詔通判海州。累遷。知韶州。卒。

興宗豪爽磊落。喜為詩。烽火中。不廢吟咏。有集若干卷。

趙庚夫

字仲白。莆田人。舉進士。不第。平生志業。一寓於詩。嘗自刪取五百首。既沒。劉克莊擇百篇題為



山中集屬趙以夫序而傳之子時  
願紹定五年進士官工部侍郎

林雷龍

字伯雨仙遊人咸淳初預鄉薦歷官興化軍通判以治中署郡事年餘棄去自號清逸處士博

通經史天文地理貫穿融液工詩  
及字有耕吟前稿醉吟漫吟後稿

余謙一

字子同莆田人咸淳中進士歷知化州入元不仕好古博學著述甚富

林以辨

字子泉莆田人祖汝大受學於黃績得潘柄陳宓之傳咸淳中與長子棟同登第歷官宗正簿

宣撫司機宜宋亡不仕以辨博通羣經善說詩  
究心程朱學方寓泉山一日促歸未決旬卒

元

洪希文

字汝賢莆田人其父巖虎號吾圃宋貢士為興化教諭與希文坐萬山中朝晡孟飯燒芋咬菜

相倡和巖虎有集曰軒渠希文因自號續軒渠集巖  
虎卒嗣為鄉先生郡之名族爭致西席延請無虛歲

卒年八十五

陳紹叔

字克甫莆田人幼好學終日危坐一室俯讀仰

既而鑄銅倣古制又以別制器以象天體虛其中而髹  
之上刺周天度數而以細螺填之揭南北二極天河

星宿皆列其名夜視之星斗爛然與天象合圍四尺  
五寸有奇名曰小天友人贈詩有門臨大海風濤壯

家有小天星斗寒之句至於河圖洛書太極圖通書  
律歷制度靡不精究有外集百餘卷題曰浮丘集學

者稱浮丘先生

劉有定

字能靜莆田人少貧不慕榮進嘗著原範吟三  
十七章學者稱為原範先生又著有行極書五

篇行

黃方子

字潛剛莆田人博學強記著述甚富嘗攝武城學職僅三載歸有論語通義行世

陳旅

字衆仲莆田人幼孤力學於書無所不讀御史中丞馬祖常一見竒之遊京師學士虞集賞其文平

章趙世延力薦之除國子助教遷監丞著安雅堂集十四卷

顧長卿

字子元莆田人聞見談博人目為書厨以薦歷福州路教授嘗移書助教陳旅責其不作宋遼

金三史旅以書示學士虞集集曰江南有此秀才大不易得及謁選京師會開局修三史長卿以所著史

藁上中書得辟史局所議不合移疾去

鄭杓

字子經興化人與陳旅為文字友嘗著春秋解義表義覽古編次夾漈餘聲樂府又有衍極書專評

字書吳與弼謂考論文字之學杓最近正宣撫使齊伯亨嘗採其書上之

朱文寔

字元道莆田人泰定元年進士博學善屬文有葵山集官泉州路總管致仕

薛彌充

字文羨莆田人為上都路興州判官兼翰林國史院編修為文典重明潔明初以開良官留京

都

明

吳源

字性傳莆田人蚤孤力學洪武三年以明經授興化縣教諭遷教授門人林廷綱薦之與杜穀龔敷

李祐同郡趙民望應召至京召對首以得賢才敦教化養黎元為國治之本命為四輔官兼太子賓客每

條陳政治甚見嘉納尋以老歸逾年復徵為國子司業卒於官有文集二十卷莆陽名公事述三篇

林廷綱  
莆田人  
洪武初  
詔郡弟  
子員學  
優者入  
國子監

間殿太祖首倡云間小殿與雲齊梁上新添燕子  
泥廷綱奉旨足成之曰堆扇曉開紅日近龍衣春濕

彩雲低旌旗影裏貌貅息斧鉞門前驥嘶簪筆詩  
成同拜舞太平天子賜新題又承旨作春江漁父圖

詩云浩蕩乾坤一釣徒絲綸終日倚菰蒲桃花浪暖  
魚堪膾桑柘村深酒可沽歲月不知蓬鬢改江湖真

與世情疎熊羆不人君王召四海於今誦帝謨甚蒙  
寵眷尋請歸省太祖親製勅諭賜之宋濂為跋還朝

賜名恒忠陞中書舍人兼太子贊善與宋濂  
揭樞同知制誥後以事忤旨賜死年三十三

方樸  
字時舉  
莆田人  
通詩書  
春秋元  
末舉遺  
逸不赴  
洪

義不受辱乃辭孔廟夜半自沈死所  
著有莆陽人物志一卷方壺集二卷

林圭

字聖王莆田人洪武初舉明經為寧國教諭永樂間嘗應召修大典以老致仕圭治經有師法工古

文詞達官至莆者必禮其廬卒年九十  
四孫宗越皆舉於鄉宗歷蘄州學正

林士敏

名世懋以字行莆田人洪武中領鄉貢入太學署大理少卿尋授戶部郎中以言事貶南丹衛

軍吏永樂改元擢南康知府改知  
淮安所著有芹邊集匡廬小稿

陳道潛

字孔昭莆田人建文庚辰進士授給事中預修國史永樂初謫夸陵判起為監察御史纂修性

理大全諸書所  
著有拙齋存藁

黃謙

字益甫莆田人永樂甲申進士授魯府伴讀因事納忠多所裨益善詩文尤工書所著有願學齋藁

林環

字崇璧莆田人永樂丙戌廷對第一授翰林修撰轉侍講預修永樂大典十三年扈從巡幸卒於北

京年四十著有綱  
齋集二十二卷

陳實

字吉生莆田人永樂丙戌進士時林環居首唱實疏論狀元不公成祖召詰之對曰臣百問百答成

祖命解縉發策以七十二賢賢何德二十八將將何功為問成祖臨軒對試頃刻間條對詳悉文采可觀環亦悉對無遺乃罪實廷議發戍邊衛卒於伍

黃約

名守以字行莆田人少負才名永樂初應詔至京試上林曉鶯及天馬歌擢第一官翰林典籍

預修永樂大典諸書進檢討約仲精楷法為詩清婉得唐人遺響有黃檢討集

黃壽生

字行中莆田人永樂戊子京闈第一辛卯舉進士選翰林院庶吉士預修五經性理大全書成

授檢討壽生篤孝友敦行誼諸史百氏無不淹貫尤邃於詩莆人傳習者衆學者稱東里先生

楊慈

字惠叔莆田人少穎悟著作操筆立就永樂戊子鄉試第一辛卯會試第二選翰林院庶吉士尋卒

年方三十有文集五卷同邑陳用字時顯永樂癸未鄉試第一辛卯進士官檢討同纂修四書性理五經

大全諸書  
進侍講卒

王偉

字士俊莆田人永樂戊戌進士歷官雲南知府偉邃經學工文辭宣德正統間莆先輩多凋謝惟偉

與陳中為文章宿老後  
進取法焉有文集六卷

林庭芳

其先福清人父震徙居於莆庭芳永樂戊戌進士知新會縣敦朴能詩尤善選體柯潛蚤從之

學

陳中

字舜用莆田人永樂辛丑會試第一為南戶部主事召修實錄書成陞員外郎性淡榮進致仕居貧



吟咏自樂  
年八十三

林文

字恒簡莆田人宣德庚戌廷對第三人授編修預修宣宗實錄成陞修撰尋轉侍講英宗復位改尚

實卿後以學士致仕著有澹軒文集

方熙

字孟甫田人宣德庚戌進士御試三農望雪賦擢第一選翰林庶吉士為衆所忌出判潮州益肆

力於文後致仕有東軒集姪臨天順已卯鄉薦章印教諭著有省菴藁

方澥

字源深莆田人正統己未進士授行人致士歸以講授為業足跡不入城府遂於禮經取紫陽家禮

列圖於首條析於下以訓鄉塾學者稱為柳東先生

吳希賢

字汝賢莆田人天順甲申進士歷南侍讀學士嘗預修英宗實錄有貴介以賄丐片詞於其父

布賈力拒之有聽雨亭藁四卷曾孫三畏嘉靖癸卯  
鄉薦由海寧教諭擢知縣築城備倭邑人賴之

陳遷字漢宗仙遊人天順甲申進士歷官江西布政司  
叅議以艱歸時江藩有獄濫及任官遂不復起閒

居三十年以誦讀自娛所著  
有策府仙溪志及詩文集

吳仲珠字純夫莆田人成化己未進士知義烏縣嘗以  
公錢助喪為御史所按嘆曰士何往不自得哉

即引歸分晰經傳與語以訓  
後學著有四書詩經講說

李文利字乾遂莆田人成化庚子舉人歷思南教授著  
律呂元聲六卷以伶倫制律三寸九分為黃鐘

之宮正司馬遷黃鐘九寸之誤以太極陰陽五行由  
一生二由少生多正宮聲極濁之誤畫圖立說門人

御史范輅序而刺之後有蔡于穀者由歲貢入太學  
禮曹鄭善夫薦其明習理數請擢用以正司天之謬

不果用嘗輯開國事畧十卷久而為人所襲易名曰龍飛紀畧刊行之不知其出於毅也論者以于毅之

學與文利  
相頡頏云

鄭瑗

字仲璧莆田人成化辛丑進士性嗜學自六經諸子百家之書靡不涉獵為文渾雄深粹詩亦有唐

人風致歷官禮部郎中卒有蜩笑集

張炫

字叔昭仙遊人成化丙午鄉薦知博羅縣有聲以疾告歸結茅金石山號金石翁年八十著有金石

遺音集  
十卷

黃瀾

字源績莆田人成化庚子舉人卒業太學為印濬所器重弘治癸丑第進士選庶吉士授編脩以母

老告歸正德初起充經筵講官進講尚書論語以戒佚遊遠佞人為言轉國子司業遷南侍讀學士致仕

卒瀾學問淵深從遊者常數十百人錄其口授語彙成帙名為資講

陳伯獻字博賢莆田人弘治己未進士為南吏科給事中疏逆璫罪狀出為提學副使乞養歸伯獻才

華絕俗著有峯湖集若干卷

魏時敏莆田人家貧初為縣從事好畫山水作詩歌周瑛黃仲昭雅重之延譽縉紳間逮謁冢宰尹

旻試以詩有簡拔自慚非漢吏威儀今喜識周官之句得無錫丞改桃源致仕歸有竹溪集

曾大有字子遜仙遊人從蔡清遊弘治甲子舉人授德州學正作勸學錄以訓迪士子歷官市舶司提

舉所著有蛙見集

戴大賓字寅仲莆田人年十三舉弘治辛酉鄉試正德戊辰會試俱第二廷對第三授翰林編脩劉瑾

凡女有才姿養為已女見大賓欲室之為飭卽舍具  
駟粟廝隸大賓揣瑾必累已又畏其薰灼乃縱酒佯  
狂嘗於醉後鞭笞其所貽廝隸瑾  
意漸衰大賓以母訃奔歸卒於途

卓居傳

字起巖莆田人精經學受業者數百人正德丁  
丑第進士賜歸省一時士類競造其門著有四

書書經臆說學者宗  
之官終刑部主事

歐志學

字須靜莆田人嘉靖乙酉鄉薦知潮陽縣歲餘  
乞歸開五經講席四方負笈者踵相接著有四

書淵源毛詩小見  
行義補要等書

陳祥麟

字士仁莆田人嘉靖丙戌進士歷南刑部郎中  
累擢山東督學副使以勞卒於官著有四書詩

經正  
蒙

林應采

字君白莆田人嘉靖甲午鄉薦令瓊山建平兩邑遷南寧郡丞子煇章孫堯俞先後登科第遂

引歸與同里鄭東白方攸躋徐觀瀾方萬有黃謙鄭茂卯秉文鄭鏊同脩木蘭詩社布衣鄭應南黃天全

亦與焉所著有東皋吟藁二卷木蘭社草一卷

康太和

字原中莆田人嘉靖己未進士選庶吉士授編脩預脩會典歷遷侍講學士值嚴嵩用事太和

絕跡權門垂二十年始進南禮部侍郎又八年不調作拙宦對以述志晉南工部尚書致仕歸著有礪峯

集若干卷興化府志二十六卷

吳紳

字克服莆田人弱冠見胡居仁居業錄勵志誦習怡然有悟嘉靖丁酉領鄉薦教諭德興日與諸生

談心性學擢知桐廬轉判常州時趙文華視師江浙凌輾郡縣紳遂投牒歸講學於鳳山寺著有易通鳳

山初言志  
學錄等書

林萬潮

字養晦莆田人富子七歲能詩為諸生習古文詞富謝政後有以文字請者多屬萬潮草嘉靖

戊戌第進士司理寧波補贛州卒於官有贛州集  
中如半山斜日含青壑萬里晴空度白雲一帆淮浦

晴雲細三月黃河春水多世皆  
賞之子兆誥字懋揚亦有文名

阮琳

字廷佩莆田人嘉靖庚子順天鄉薦教諭金谿為  
諸生講明正學擢恩平歸結景真會誨誘後進所

著有經書講義性理義禮  
律歷註解圖書紀恩諸集

丘秉文

字鳴周莆田人嘉靖甲辰進士歷刑部主事楊  
繼盛以劾嚴嵩下獄秉文時具橐餽於楊楊病

佯為已病調藥與之遷光祿丞實出太宰李默意默  
後為趙文華誅奏繫獄嚴世蕃遂指秉文為李黨因

以災異策免秉文曰吾受知李太宰李今坐繫即不應復亦宜投劾安能旦夕鳴珂過李縲綫所乎即日歸構東樓藏書日以吟咏為樂著詩文若干卷

陳言

字宜昌莆田人嘉靖丁未進士歷禮部主事教習駙馬都尉故事駙馬率驕貴師取偷員而已言抗

顏不少假借人咸重焉已坐事謫外復累遷南刑部郎中免歸著有尚書講義怡老堂存藁石溪儷語各若干卷以子經邦贈吏部左侍郎

黃謙

字亨夫莆田人嘉靖庚戌進士歷官刑科右給事慷慨多奇節詩文典瞻王世懋督閩學與定交焉

有萬玉山房集

余翔

字宗漢莆田人嘉靖戊午鄉薦授全椒令一日假寐夢五丈夫環水而籲旦有告䟽井獲鬻者翔



曰井中蠲體五此其一耳再索果然密偵乃諸駟殺  
客取金投井者一鞠而服以議里甲與御史不合拂  
衣去為金陵遊已而遊梁登吹臺謁五先生祠仰天  
叫絕人以為狂五先生者唐杜甫李白高適明李夢  
陽何大復也去梁之歛與汪道昆遊黃山以詩酒自  
豪王世貞在南都贈以詩比之陶潛晚歸三洲里中  
著有薜荔園詩藁若干卷同時稱詩者有黃天全字  
全之工選體方元淇字景武工近體兩人並居戚繼  
光幕又有游日益游士豪周如埴林  
祖恕林仲亦皆布衣諸生之能詩者

宋效周

字肇斯莆田人嘉靖辛酉鄉薦由教諭歷和平  
縣致仕家居以正學教人嘗謂嚮往須擇中守

正造詣須積漸致精工夫須循常務實  
所著有懜懜子日格子正俗編等書

李廷春

字仁孚莆田人學問該博嘉靖甲子鄉薦令鹽  
城著有太極圖解近思錄存初論程朱語畧續

欽定四庫全書

福建通志

三十六

伊洛淵源  
田紀畧等書

方沆

字子及莆田人隆慶戊辰進士知全州歷南戶刑二部郎督學滇中左遷知寧州嘗復濂溪書院及

黃魯直祠後以湖廣僉事致仕有荷蘭集二十卷又與其父攸躋合刻有橋梓集四卷從弟濤字子韓亦

工詩有振蓬藁六卷子承芴萬歷癸丑進士南戶部外郎有湖心亭詩集姪承郁萬歷戊戌進士工部

主事有關  
洛紀遊集

鄭郊

字牧仲莆田諸生幼嗜經史長以著述自任黃石齋稱其一日千里為未易才著有明易十七卷史

統百四十五卷孝經心箋水書折衡偶筆寓騷弟郊字奚仲為諸生博聞強識著有皆山集易測詩史和

陶廣騷春秋  
表微諸書

林兆珂

字孟鳴莆田人萬厯甲戌進士知蒙城縣累遷州部郎中註律例二十卷出知廬州補安慶先

是兆珂大父富總制兩廣奏罷採珠廬人德之立祠歲祭及兆珂至賦採珠行以志祖德焉乞歸後鍵戶

著書有宙合多識二編又有批點左傳檀弓考工記叅同契楚詞諸書

黃世康

字元幹莆田人詞華藻瞻工為六朝聲偶之文意氣豪舉橐中金多與貧交共之久客廣陵詩

酒歌宴有杜牧之風所著有客窓隨錄潮青曲二集

陳言

字于庭莆田人長於集句自漢魏至唐人悉供驅使評者謂如八金在壚五絲就軸無壺比折湊之

迹有集句詩三卷

陳其志

字公衡莆田人萬厯癸未進士初令永嘉補會長洲吳士之文見者時延接評隲而簿書期會

欽定四庫全書

福建通志

三十七

未嘗不治入為戶部主事改吏部補禮部精膳司郎中疏言萬世德不宜入副院第以司馬居邊未為不可坐謫河池州同知後世德竟出督薊鎮如其志言所著詩若干卷

陳翰臣

字子卿莆田人十歲能文十二歲能作篆隸萬曆乙酉領應天鄉試以詩謁司寇王世貞大見

賞識嘗選勝於梅峯建寶菴書所撰記勒石時稱雙絕年三十九卒所著有三秀集三卷木齋集五卷北

遊藁二卷石室雜咏一卷

陳昂

字雲仲莆田人自號白雲先生莆邑被倭昂挈妻子走豫章織屨為食徧歷匡廬彭蠡復由江陵入

蜀覽三峽劍門峨眉之勝晚復賣卜秦淮為人傭作詩文輒復棄去工五言聞人誦其詩則反面向壁痛哭失聲居數年竟以窮死有白雲先生集十六卷竟陵鍾惺為之傳

先生集十六卷竟陵鍾惺為之傳

黃起鯤字爾度仙遊人天啟間恩貢謁選得高郵州同知遷判永州曠寇作亂起鯤與戰大破之以病

歸卒著有摘園集四卷

唐大章

字士一仙遊人天啟間應貢嘗請王守仁書悟聖人可學而至遂開精討良知宗旨絕意仕

進與同邑陳濂講學金石山設教二十餘年卒年八十二子顯悅天啟進士

林銘

字祖冊莆田人崇禎戊辰進士授中書舍人擢湖廣道監察御史每有彈駁皆中機宜尋督兩

浙釀使所刻釀規人奉為成法尋按江西擢山東按察副使引疾歸構北村別墅置書數千卷年七十卒

著有南窓遺稿

宋珪

字比玉莆田人長身玉立神情軒舉年三十入太學僑居武陵金陵間偏交吳越知名士以詩歌書

畫名於時尤善隸書規  
撫漢法俊客死於吳門

余光

字希之莆田人郡諸生有文名數奇不售湛心經史每當悲涼鬱抑時見之詩歌古文詞著有耐菴

集及春秋解李賀詩註等書弟颺字賸之崇禎丁丑進士著有廬中集四十卷

周嬰

字方叔莆田人弱冠負才名嘗著五色鸚鵡賦巡撫朱運昌見之嘆賞崇禎庚辰以貢授上猶令未

三載致仕歸著遠遊篇四卷卮林四卷同郡黃光與嬰齊名以薦知來安縣著有十一洲詩集

方鏞

字章菽莆田人補弟子員嘗袖所為文謁漳浦黃道周甚被賞譽父歿哀毀暴卒著有紅琉璃堂詩

文集二十卷弟鏞字八公亦有文名

林簡

字子山莆田諸生幼嗜奇語嘗著蟲書幽險絕倫又有房江集四卷弟嶠字小眉崇禎癸未進士弱

冠負才名著有  
蜚蜚集十二卷

林質

字幼藻莆田人蚤孤年十二為孤兒賦先輩稱之長工詞賦偏遊中州會中原寇亂避居確山縣馬

鞍山下嘗結壯士禦寇建榮屯田塞上又招降汝南羣盜討平嵯岬山渠魁後歸里與周嬰輩優游賦詩

數年卒著有語  
稼堂詩十二卷

國朝

林向哲

字十叟莆田諸生好為古文詩歌出遊燕薊歸悔前所作漸就平澹有集曰甌離子從兄鳳歸

字少威邑諸生詩  
賦藻麗有樗軒草

林堯英

字蜚伯莆田人順治辛丑進士知饒陽縣歷戶部主事以博學宏詞薦召試賜宴瀛臺晉

本部員外轉刑部郎中出督河南學政以古學導士  
人文丕振尋卒於官堯英平生孜孜好學手不停披  
著有克復講章工詩歌燕臺有十  
才子詩略名重一時堯英與焉

林賓王

字穆之莆田人郡諸生與兄友王家居春草堂  
晨夕聯吟所著有西苑感懷詩又四門集若干

卷卒於北通州司寇  
魏象樞為誌其墓

朱黃石

字房子莆田人弱冠補郡弟子員文章高古自  
成一家著史記論斷百三十篇比例精詳多前

人所未發名  
曰史記闡

泉州府

唐



許稷字君苗祖輔乾為泉州守父楫文家於莆至稷始居泉州少從陳舍人詡語詡輕之稷入終南山力學三年出就府薦成進士歷官終衡州刺史工詩歌與歐陽詹林藻友善嘗為江南春詞甚綺麗人傳頌之

陳嘏惠安人唐開成三年進士以詞賦擅名尤工篆隸宣宗嘗善其所製霓裳羽衣曲以為琬琰之器官

終刑部郎中

黃華南安人有文名郡牧烏童孺以女妻之築十里沙堤直接其廬夾植刺桐閭里榮之後就辟天德軍

從事

王肱字用輔晉江人為文好刺譏當世以是累舉不第嘗著濟狀一篇言濁河貫清濟濟詰其免涸時甚

奇之又無題古詩一百三十首詞多悽惋

宋

錢熙字大雅南安人雍熙間進士以冠準薦試中書遷

時加右司諫熙好學負氣善談笑精筆札有集十卷及擬古樂府雜著諸篇子蒙吉進士及第

李沂字從聖南安人以六經太元講授閭里太宗時赴京師與孫何丁謂齊名著帝王紀年通錄慶歷中

同郡蘇紳薦其著書詔官為繕寫上進改國子監丞致仕遷大理寺丞

黃宗旦字叔才晉江人禹錫孫少有神童稱禹錫命賦

之句見者異之咸平元年進士第二人晚直史館以刑部郎中出知襄州歐陽脩稱為閩中文士有集十

卷子堯允相繼知  
襄州時論羨之

陳在中 字繇文 晉江人 博學洽聞 尤深於易 景德中進  
所著六十四卦賦 賜釋褐 不仕 子詒 工詩 祥符

初進士  
高第

謝伯景 字景山 晉江人 天聖二年甲科 為許州法曹 詩  
文雄健 高逸 歐陽修云 景山詩頗多 如自種黃

花 添野色 旋移高竹 聽秋聲 園林換葉 梅初熟 池館  
無人 燕學飛之類 皆無愧 唐賢伯景 女弟希孟 亦工

詩 所著百餘篇 修亦稱其隱約深厚  
守禮而不自放 有古幽閒 淑女之風

劉驥 晉江人 篤學好老氏書 大略謂道德五千言 未嘗  
分章 後人分上下卷 以象兩儀之妙 用八十一章

以象太陽之極數 今合為一篇 名曰老子通論 仕至  
欽州守 子敏求 以刑部侍郎知南劍州 治行尤著

丘崇

晉江人。工詩文。尤精天文象數。嘗侍父官惠州時。蘇軾謫惠崇從之遊。李邕亦與唱和有遺稿。六帙。

黃冠

晉江人。元祐六年進士。充隸華宅。諸王府教授。乞歸積俸資百金。一夕盜挾篋去。人為惋惜。冠笑曰。

是亦羽化耳。不復問歸。寄舍圖史。左右無長物。以詩酒自娛。與李邕往來。酬唱卒年八十七。

吳岡

惠安人。初以辭賦預貢。不第。取所業焚之。曰。不足為乃潛心經學。擢第。教授峽郤。二州以經學授。

諸生後官夔陵。自號耐寒翁。有詩集六卷。

黃子中

晉江人。自號南陂居士。著有南陂集。

林外

字豈塵。晉江人。遊太學。工詩詞。嘗題吳江垂虹亭。人以為不食烟火語。他日衣鶴氅。往西湖題詩。雪。

中既去。讀者咸驚歎。以為仙筆。紹興三十年。第進士。仕至興化令。所著有嬾窠類稿。

黃萬頃 同安人 紹興中進士 歷知雷瓊二州 著有詩文 數百篇 又集古今詩話為筆苑五卷 同時有梁

南一者紹興十八年進士 晉江人居 鄉教授 從遊甚多有六經辨疑行世

黃宙 晉江人 乾道五年進士 居鄉教授 從遊多知名 士有論孟解及詩文雜著

陳震 晉江人 淳熙進士 今新建 歷大府丞 奉祠 歸里 著有春秋解 史編 雜著數十卷

郭縝 晉江人 將生之夕 母夢天上金書 縝字因以名之 紹興間調上杭 丞留心象數之學 按圖布卦計二

十萬言總之以 圖名易春秋

呂椿 字之壽 晉江人 初從邱葵 學隱居 授徒 詞賦敏捷 著有春秋精義 詩書直解 禮記解

謝文龍 字德翔 惠安人 與弟維新 以文章名 從子起宗 善評經史 嘗著野議十篇 獻趙鼎 鼎稱其才識

累試不第卒  
著有菱溪集

尤台

字公輔安溪人八歲能文慶元二年應童子科舉中書試以公則說賦詞藻傑出人傳誦之

楊景隆

字伯淳晉江人開禧中進士博學強識講授生徒常數百人所著有漢唐通鑑史志解學者傳

之官終建寧  
司法叅軍

楊至

字至之晉江人遊朱子之門以文學名於時嘗作天道至德聖人至教二圖蔡元定竒之以女妻焉

所著有考亭語錄二卷同安王力行字近思亦遊朱子門著有語錄及傳支派圖

王顯世

以廕補興化錄事叅軍真德秀目為德行之士顯世博學有詩名長篇尤婉麗竒古著有容安

摘稿  
十卷

陳權字巽行晉江人號朝陽居士註老子道  
德經編類漢唐君臣圖著有朝陽詩集

黃必昌

晉江人從陳淳學登嘉定進士判循州所著有大學講稿

王文獻

晉江人嘗撰孝經詳解一卷紹興間詣闕進之

明

朱鐸

晉江人工詩文弱冠登永樂丙戌進士授戶部主事性簡亢寡合家居以經史自娛郡中名蹟多所

咏題

許開

同安人懷才負氣雄詞獨鑄所著有滄南集

黃文照

同安人參政文炳弟專性命之學著有道南一脉孝經仁詮太極圖理學經緯諸書

溫良

人晉江人入工晉唐書法舉正統丁卯鄉薦選中書舍

趙瑤

泉晉江人成化丙戌進士力學尚氣節時羅倫謫官

陳獻章質以學問往來辨難不苟為同由郎署歷官至廣東提學卒

梁懷仁

字宅之晉江人嘉靖己丑進士授南京吏部主

詩文數百首

傅夏器

字廷璜南安人嘉靖辛卯舉人發憤為文歲置

嘉靖庚戌會試第一  
一官吏部郎中

趙建郁

字本學晉江人遊蔡清門殫心著述所著有周



法彙集韜鈴內外篇七冊孫子解三冊封識以俟傳人俞大猷從受學焉

李文縉

字南藜南安人領嘉靖辛酉鄉薦歷官岷府長史家居三十載稽古博文下至星卜律歷無不

精究著有易解禮記庭說書經大旨四書口授若干卷又嘗定冠婚喪祭諸禮鄉飲儀節參考尤詳

鄭維嶽

字狹如萬厯丙子舉人知五河縣立方田法濟淮河皆有善蹟陞曲靖同知著有易經宥義諸

書行世

蘇濬

字君禹晉江人萬厯丁丑進士著四書易經說與蒙引淺說並傳歷官浙江督學使學者稱紫溪先

生有三餘集漫吟集生  
生菴雞鳴偶記諸書

李光縉

字東一晉江人工古文詞萬厯乙酉鄉薦第一屢困春闈遂絕意仕進學者稱為東一先生著

有四書臆說易經潛  
解景璧集若干卷

黃居中

字明立晉江人萬歷乙酉舉人好藏書博通墳  
典得異書必手自繕寫自上海教諭遷南國子

監丞僑居金陵因家焉著述  
積數十卷學者稱海鶴先生

曾偉芳

字君彥惠安人萬歷己丑進士歷兵部武選員  
外郎謫判賓州天啟初錄用舊臣而偉芳已卒

贈布政使司叅議所著有西行  
漫草燕遊筆記寧夏記事諸集

蘇鼎實

字道宏警悟嗜古絕意進取究心伊洛之學著  
有四書註補尚書明說古今鑑略性理約言人

物傳評  
等書

許懈

字子遜同安人萬歷辛丑會試第一歷翰林院  
編脩性不諧俗喜讀書矢口綴筆精義躍如

秦鍾震

字伯起晉江人萬歷丁未進士博極羣書工古文詞清逸流麗後歷官至知府

黃克晦

字孔昭惠安人善畫後發憤學詩遂以詩名嘗出遊匡廬嵩岳縱觀江河泰岱之勝徘徊二京

與沈嘉則王伯毅齊名其歿也黃克績刺其詩於聊城凡六卷

莊竒顯

著晉江人萬歷癸丑殿試第二人授編脩著有通鑑性理刪及尚書指南諸書

林孕昌

以晉江人天啟壬戌進士歷官吏部文選司主事忤權璫下詔獄事白歸家講學著有易史象

解廣占續小學春秋總論泉山小志旦氣箴百夢草經史辨義荀堤集行世

陳鍾璵

字石文晉江人善古文詞著有密菴初集定山霞圃紫塔詩集行世

曾異撰

字弗人晉江人寓福州之侯官領崇禎己卯鄉薦家貧少孤母日夜紡織口授詩書大義長工

詩古文詞所著紡授堂詩文集贈灸  
海內李世熊序之識者歎為兩絕

吳韓起

字宣伯晉江人崇禎庚辰進士授當塗令陞  
禮部主事卒於官著有四書易經解行世

李光龍

安溪人工詩文崇禎癸  
未進士著有閩山集

國朝

陳遷鶴

字介石晉江人幼穎悟長益嗜學為文力追韓  
歐不隨時俯仰年五十登禮部榜第三人選庶

常時李光地為館師見其所為太極太虛論驚異曰  
經生中有是人耶引與辨論至夜分不輟晚年究心

經學凡所論著皆綜注疏傳義而融以心得歷官至  
左庶子予告歸里年七十六卒著有論易十五

卷尚書私記一卷毛詩國風繹一卷春秋紀疑三卷  
椿樹堂文集二卷上峯堂文集二卷閒居咫聞十二

篇韓江草  
詩一卷

鄭得灑  
同安諸生沈酣經史年九十餘手不釋卷  
著有五經通義易研文學指南史統等書

漳州府

唐

周匡物  
字幾本龍溪人元和間進士及第嘗賦軒轅古

播見而異之至是果為播所舉士御試學殖賦鶯出  
谷詩為時傳誦州人舉進士自匡物始兄匡業亦登

第為郡  
陽令

潘存實  
字鎮之漳浦人讀書天成山初應舉以晨光麗  
仙掌賦雙陸子賦得名元和十三年登第試脩

欽定四庫全書

禮耕情田賦及玉聲如樂詩長安人傳誦之漳浦人  
登第自存實始歷官戶部侍郎有戰國四公子贊載

唐文粹

宋

顏慥龍溪人與蔡襄為金石交讀書西湖白蓮院以文  
章德行相高慶歷間襄為郡幕辟慥本州教授時

文教授未興慥倡明道學  
教授生徒人皆化之

陳伯溫龍溪人元豐間以詞賦稱伯溫賦仁者靜為監  
元同邑王補字肩甫亦以詞賦與伯溫齊名時

稱伯溫肩甫  
賦中之虎

林師德字叔正龍溪人紹興中特奏名長於駢儷遊太  
學與黃燠齊名尉東莞以獲盜功改武岡軍僉

判

陳兢

字戒叔，宣和間貢。辟雍，登紹興庚戌進士。初尉長汀，再授恩平、新興二州教授。畱正知贛州，辟龍南。

令兼僉幕府事，有周禮解及雜文數卷藏於家。

蔡如松

字勁節，龍溪人。慷慨有大志，讀書岐山，與顏師魯友善。節乾道間，特奏名。歷新興推官，晚歲不樂。

仕以祠祿，乞歸著漳南十辨及歌詩記文等作。

余韶

字道夫，龍溪人。有學術，舉八行號東湖居士。著有棲靜堂集。

吳澥

字清臣，龍溪人。著述甚富，陳知柔稱其貌古，心古學古文。古林子晦亦歎為天下奇才，有省齋集行。

世

欽定四庫全書

福建通志

四十七

陳經

字叔綸龍溪人淳熙間進士由廣州司理歷知遂

援筆以丈夫當廟食仙人好樓居發其端楊長儒帥

封無已帖兩首樂天詩與傳伯成孫昭先三

蕭里

字元舉龍溪人力學好古以周禮名家著有經解

其墓有嗜學如饑

蘇竦

字廷儀海澄人潛心理學博通經史慶元中登進

見從遊者數百人

宋聞禮

字叔履龍溪人嘉泰中進士教授叙化



黃子信

長泰人嘉定中特科以文章學誼為學者師初調新會鹽場帥楊長儒以其老故心易之子信

投以詩云六年兩度拜宸旒換得青衫白上頭飛鵲只因無樹繞窮猿何暇擇林投明知着脚當來誤幾欲抽身不自由安得有錢了官債便無三徑也歸休遂拂衣去長儒得詩恨相知之晚及歸又云笑倩西風拂舊埃歸時行李似初來也知三載清貧好博得抽簪強健回有散翁集行世

李唐咨

字堯卿龍溪人朱熹嘗稱之云李唐咨林易簡或究索淵微或持循雅飭察其言行久益可觀

守漳日延唐咨為諸生師同邑有石洪慶字子餘施允壽字伯和先後為本州學正朱熹復薦之稱二人以耆艾之年進學不倦強毅方正衆所嚴憚

陳思謙

字退之龍溪人學問談博教授後學著有春秋三傳會同及列國類編朱熹重之語門人李唐

咨以女  
妻馬

林大年

字壽卿龍溪人初試太學以詩賦中選年八十以書義再預鄉書不赴南宮為州學正日與

生徒討論終老湖  
山卒年九十有六

潘武

字叔允龍溪人嘉定庚辰特奏名履行端方於書無所不讀與陳淳為道義交進士趙希流吳仲脩

皆出  
其門

鄭申秀

字實之海澄人天姿英敏學行純篤嘉定中登進士尉南海海調懷安丞兄申卿寶慶進士授從

事郎力學博識兄弟相為  
師友文章著述齊名一時

黃學皋

字習之龍溪人博通經史尤長於詩書春秋朱熹守漳學皋與宋聞禮以穉年輪講嘉定十六

年登第授番禹簿帥趙師楷每事必咨之轉鄱陽丞  
待制李性傳延入郡齋校勘朱子續語錄調泉州察

推尋乞祠歸有評古一卷  
補註東坡詩一編

趙希濤

字清甫宋宗室龍溪人以詞賦名通周禮薦  
入宗庠紹定己丑廷對乙科調容州教授

蔡逢甲

字國賢漳浦人嘗受業陳安卿之門與安卿辨  
論河洛同異及太極圖西銘之旨安卿稱其有

特見咸淳中登進士詔主廣東漕舉宋亡構  
悟道書院於玳瑁山不出著有使君講錄

元

周祐字于一龍溪人善古文詞僉事左姓者督師漳南  
祐作邊臣近鑑以獻左曰史才也薦為同安文學

進其書於朝備國史編錄至正七年  
與門人林弼同舉省闈祐第一

明

胡宗華

龍溪人讀書赤石巖自號草澗居士洪武三年以貢授郡司訓講說經籍剖析微奧教誨諸生

以身為範著有草澗集六卷子宜衡有學行事繼母孝永樂中以賢良薦歷大理評事預脩實錄著有勸

菴集春同永樂中鄉薦歷吉安教授篤學清苦著有平庵集

陳睢

字子晦龍溪人聰明強記博通子史永樂間舉人歷常州教授有文集五卷行世

林震

字敦聲長泰人家貧力學記問諳博宣德五年進士第一人尋告歸以文章自娛卒之日有星墜於

庭

許判

字資叡漳浦人正德辛卯鄉薦通判瑞州上下悅服擢辰州同知嘗著家禮及諸書附註以相發明

而約歸於儀禮記之義為禮圖及慎  
終集歐蘇譜例古深衣訂皆可傳述

林一陽字復夫漳浦人嘉靖中舉人判濟南調霍邱令  
以不諧於時遷藩幕歸嘗曰惟敬勝怠惟勤補

拙惟儉養廉善臨池大書著  
有論學口義詩文若干卷

呂旻字仁甫龍溪人九歲能文郡守召試平閩賦奇之  
嘉靖間成進士授翰林編脩歷官禮部右侍郎

李文察字廷謨平和人父世浩敦朴好古公稟家學以  
明經入京廷試得樂書審聲候氣洞悉音律著

四聖圖解樂記補說律呂註及典樂論等書倅  
遼州時奏進郊廟大禮名入太常歷知晉州

林楚字德春漳浦人弱冠就學研究濶洛諸書於先儒  
尊程伊川遇拂意事輒思伊川處此何如以性善

為宗旨於各一其性中悟率性之學順性之治嘉靖  
間領順天鄉薦歷判雷州以母老乞歸著有衍書旨

摘性對  
諸篇

沈鈇號介菴詔安人萬厯甲戌進士今順德與羅青螺  
諸號先輩明道講學所著有大學古本浮湘鍾離蘭

省石鼓諸集彭  
湖紅夷諸議

高克正字朝憲海澄人萬厯間進士授翰林檢討  
分纂國史所著有玉堂初編木天署草

張燮字紹和龍溪人萬厯間舉人博極羣書與蔣孟育  
高克正林茂桂王志遠鄭懷魁陳翼飛稱七才子

嘗校書萬石山中刺有  
七十二家文選行世

蔡宗禹字寶元漳浦人萬厯辛丑進士司李鎮江以失  
郡丞歡被劾去事白補麗水令園有椿樹道之

以佐食蒼頭短衣不完所得俸錢悉以養士擢刑部  
主事以疾乞歸講學於湖西書院四方負笈來者至

不能容別結草廬以居年七十餘卒著有明誠解程朱要言續毛詩釋杜詩註釋等書學者稱震湖先生此如一橙字廷黃萬歷丙午舉人篤嗜經學嘗言吾敬

提旨詩經會解

林祺

字子祥龍溪諸生著有考亭麗澤錄考亭源流錄高氏遺澤編陳布衣文抄古今指掌錄

陳翼飛

字少嗣平和人少工詩古文詞萬歷間成進士授宜興令家居與鄭懷魁戴燦等稱元雲十三

子以文采風流為時推重著有長梧集

國朝

張士楷

字端卿漳浦人幼穎異學詩為古文詞郡邑人士爭師事之所著有濮鉛山人集談學錄明儒

林列傳藝苑提宗靜學編等書同邑陳祖虞字子篤從士楷遊為聖賢之學嘗註釋離騷左傳著有葛亭

草二

陳常夏

泉州籍寓龍溪因家焉家貧力學嘗為人傭書順治辛丑會試第一授米脂令辭不受卜居南

澗左經右史腕粟不繼怡如也有故人贈之金悉以分不舉火者晚益嗜學四方文士多從之遊一日諸弟子問曰有若無實若虛何謂也曰性體虛無已含萬象若只說個虛無便是無極在太極之上後來又生許多詞說下箇若字則渾然本性無二矣卒學者稱鐵山先生

鄭亦鄒

字居仲海澄人康熙丙戌進士篤行力學工古文詞講學南山寺以著述自娛有詩文集行世

延平府



五代

陳陶字嵩伯劍浦人以聲詩鳴尤精厯象南唐昇元中陶至南昌間宋齊邱秉政自料與邱不合乃築室

洪州之西山日以詩酒為事有詩數百篇

宋

蔡柏字武子將樂人治平進士書無不讀詞翰傑然為藝苑宗

廖執象字遜父順昌人七歲能詩弱冠入京師獻詩文太宗覽而善之端拱初赴省試以疾卒初陳搏

見執象謂曰子謫仙人也但塵世不能久留耳有集十卷徐鉉為之序

胡璞字崧之南平人熙寧三年進士博學工詩嘗經采石題詩甲李白云當時醉弄波閒月今作寒光萬

里流蘇軾見之疑為  
唐人所作嘆賞不置

羅疇字疇老沙縣人熙寧進士紹聖中罷制策設詞科  
疇首選授華州教授為太常博士定孔子冠冕制

獻樂歌二十餘章崇寧中辟雍成命詞臣頌詩疇頌  
復居第一以右文殿脩撰出知廬州著文海百餘卷

講義五卷道山集三十  
卷秘閣秘錄四十卷

廖峽字次山順昌人元符間入太學崇寧中上  
書言時政被放歸卒有雲漢集十卷行世

楊希旦將樂人以文行知名屢舉不第退老於家楊  
時言其嘗侍先生燕間善言懿行受益宏多

吳致堯字恪文順昌人政和二年進士除安化令以忤  
當路去官因屏居衡麓自次其文號歸愚集工

詩尤喜  
集句

黃卓

字德美博學工文尤長於詩時稱騷壇元白朱熹嘗為題延平春望圖

蕭山

沙縣人任長溪丞博極羣書著有讀書傳論語講說讀易管見

余良弼

字巖起順昌人建炎進士歷經畧廣西尋子祠已又除直秘閣致仕聚書萬卷自為序以教子

孫著有龍山文集子大雅大猷與同邑張顯父將樂鄧邦老節細俱從朱熹遊

元

張本

字在中將樂人元統元年會試以蒲輪賦得高選登進士第官至寧都州判官

吳文誼

字宜甫將樂人博學工文詞與虞集張本友善至正間由薦辟為延平路總管有詩見皇元風

雅

明

王暹

字希白，將樂人。洪武丙子舉人。永樂中，以薦入京，預修五經大全。歷官翰林院編脩，著有聲律發蒙。

註解

吳恭

字敬昭，南平人。官翰林院庶吉士，與修宣宗實錄。以疾歸。後授餘干諭，致仕。卒。有古學齋集。

張體中

字居靜，南平人。由歲貢任香山宣城福寧學正。學博行端，著有宏菴詩集、演螺集，藏於家。

林鈿

字良童，將樂人。萬曆己酉為貢。時宋儒羅豫章李延平未與從祀。鈿請督學熊尚文疏請行之。復刊

楊龜山全集著  
有澹寧集行世

鄭文端

永安人。幼驚魚鹽，行年三十，盡棄所事，從師為學。精於易，生徒日衆。永安易學自端啟之。

朱成文 字希純南平人知於潛縣究心理學著讀書會要越閩議略天目劍津會語鍾臺問荅續瓌瑣

吟菘林枝  
語等集

楊懋 字大德順昌人以貢授吉安訓導性孝友博洽善文詞長於詩賦從遊日衆稱為西軒先生

趙弼 字輔之博學多識尤邃於易教授鄉邑學者稱為雪航先生所著有雪航膚見趙氏史評行世

樂純 沙縣諸生好為古文詞著有紅雨樓及雪菴清史行世

### 建寧府

唐

葉京 字垂孫建安人咸通二年進士州人登進士自京始京詞賦典故為庶訪使所知號其居曰茂才里

官至太常博士

五代

江為建陽人少遊廬山學詩於處士陳旼居白鹿洞二十年累舉不第嘗題白鹿洞詩為南唐主李景所

稱著有詩一卷

鍾謨

崇安人博學多識善為文唐主景愛之擢吏部郎中叅預國政遷翰林學士戶部侍郎

孟賁字一之建安人少好學遊廬山以禮義文章節儉為當時師範人稱孟夫子仕周為大夫

宋

詹庠

字周文崇安人大中祥符中進士官至三門白波輩通判景祐中進君臣龜鑑六十卷賜詔褒諭

黃晞字景微建安人學無不通以有道稱福泉二守爭  
廷致之景祐中貢禮部儼舍京師石介在太學遣

諸生以禮聘之匿不出  
韓琦薦為太學助教

江任建陽人有詩名楊億稱  
以秘閣校理知泰州

童望之字表民浦城人上廕除秘書省校書郎監杭州  
茶庫踰年辭疾以書論時政不報歐陽修疏薦

之不起望之宗孟氏性善之旨斤荀况揚雄韓愈李  
翱諸論著救性七篇歐陽脩尊偽梁為正統望之詆

其非著明統三篇李覲謂仁義知信樂政刑皆出  
於禮望之著禮論一篇持議皆軌於正學者宗之

練耒字彥本建安人累試禮部歸閑門著書  
有大易發微二禮釋疑宋野遺民集

柳永字耆卿初名三變字景莊崇安人景祐間進士工  
詞童擅名樂府仁宗誕辰太史奏老人星見永為

醉蓬萊詞以獻大臣有薦之者仁宗曰得非填詞柳  
三瘦乎後更名永仕至屯田員外郎兄三復三接皆

工文藝號  
柳氏三絕

何述字明道浦城人元豐己未進士令當塗有築堤功  
崇寧初除開封推官從尹以職事對徽宗顧尹曰

何述詳雅可喜累遷徽猷閣待制知永興軍移帥涇  
原風烟屏息奉祠卒著有禮記解二十卷事類領要

十卷廬江  
集十卷

暨陶字粹翁崇安人長於聲律以飛龍位天德及聖人  
作而萬物覩賦知名於時登元豐五年進士官至

承奉郎子唐喬進士  
第官至中奉大夫

楊蟠字公濟建安人進士為密和二州推官以詩名元  
祐中蘇軾知杭州蟠為通判與軾唱酬後知溫壽



二州卒有  
集二十卷

江滋字益之崇安人元祐進士知未陽縣繼

彭路字通吉崇安人文思清新崇寧間以特奏廷對第

一徽宗褒諭路進謝恩詩徽宗命翰林學士和之

孫與字伯信經術為海內所宗

周固字適可浦城人崇寧釋褐第一以薦除京畿提學拜監察御史有壁水集十五卷

楊暎字元暉浦城人崇寧進士調濠州鍾離主簿陞後政郎表進所著書二十卷帝奇其才擢知太寧監

遷奉議郎出知蘄州陞朝散大夫被召未赴卒

吳棫字才老建安人時號通儒崇寧丙戌特科著論語

子評近代考訂訓釋之學惟核及洪慶善為優遂據其說以協三百篇之旨

徐適

字紹聞甌寧人崇寧間特奏對策第一通詩云白髮青衫老得官瓊林頓覺酒腸寬平康夜過無人

問留得官花醉後看入館為校書郎直秘閣知廣德軍

詹愷

字應之崇安人以孝廉為鄉校師執經者屢溢脯下晚為信豐尉張浚辟居幕下贊畫甚多有文集

二十卷

張亨

字正仲浦城人幼警悟季父嘗戲之曰聞汝讀孝經有何好處對曰立身揚名以顯父母季父大奇

之登大觀三年進士亨工駢儷之文有雙溪漫叟集二十卷松憲撫遺十二卷

歐陽凱

字彥成建陽人善屬文建炎中一舉不第會兵興上書論當世得失時相以為狂躁編管

洪州久之得還

宋翔字子飛崇安人七歲時劉子翬命賦燈詩援筆立成紹興中由童選第進士累官國子監簿獻紹興

樂府十二章名動京師尋差湖南叅議致仕有梅谷集

翁挺字士挺崇安人諱博羣書落筆數千言以廕補官用薦赴闕授少府監丞以忤時相歸號五峯居士

有詩文集二十卷李綱稱其文雄深雅健淵源浩博又稱其凌厲奮發絕去筆墨畦徑

林光字子輝建安人乾道初登第歷循州教授以薦監左藏改知信豐終承議郎嘗著建安志二十卷又

有兵論迂論數十卷

劉韞字仲固韜之弟以朝散大夫致仕築室縣南有臺榭花木之勝自號秀野時人謂之吟龍子翔能詩

有父風時人謂之詞虎從姪坪字平父以孝行聞調  
邵武軍戶曹有詩集十卷坪弟如愚登進士歷江西  
帥司參議有才幹善屬文尤喜吟咏韞子學箕  
為文高爽閒雅得家傳有方是閒小稿行世

吳駿字晞遠登進士歷饒州判著詩解二十  
卷文集十卷雄深雅健脩衆體之長

黃銖字子厚崇安人少師劉子翬與朱熹為同門友熹  
每嘆其不可及文學太史公詩喜曹劉及韋應物

善琴書隸法尤工騷體能以楚  
聲古韻為之卒熹為序其集

吳楫字公濟崇安人紹興辛未特奏名與朱子及李西  
山善研窮理學嚴儒釋之辨朱子遣子師事之顏

其堂曰  
悅齋

劉褒字仲寵崇安人十歲能屬文舉進士除  
司門郎中歸老自號梅山老人有詩集

劉子寰

字圻父建陽人從朱熹受學能詩文與同邑劉清夫齊名自號篁曝翁有集行世清夫字靜甫

同時又有翁粹翁易游和之倪魏元壽椿丁復之堯皆從朱子游寫學著書並稱高弟云

潘殖

字子醇浦城人初好王氏學後悟其非用力克己至忘寢食久之有得乃述忘筌書五卷性理書九

篇自號浩然子劉勉之胡憲劉子翬皆喜其書

熊慶胄

字竹谷浦城人受業蔡淵後遊真德秀劉廔之門所著有三禮通議春秋約說中興三朝通畧

學庸緒言等編

徐宗慶

浦城人善議論通經史所著有皇王大訓經世明道二書嘗辟教官卒

熊知至

字意誠建陽人裛四世孫博學能文五領鄉薦不第歸隱鼇峯以詩文鳴著有鼇峯隱人集

黃元

字清臣，蒲城人。嘗遊錢塘，時杭守奏禁西湖為放生池，元作詩數百言以頌士人爭傳之。有文二十

卷號東溪集，詳見宋史本傳。

楊與立

字子權，建安人。與從弟道夫，字仲思，同受業於朱熹，所輯有朱子語畧二十卷。學者稱鉛山先生。

生

李仲光

字景溫，崇安人。少精老莊，韓柳之文善為序記。晚年詩筆愈高，放情山水，時相勉其出調。湖南

幕屬卒著，有肯堂集。

祝穆

字和甫，其先新安人，移居建安。少孤，與弟癸、郎同事朱熹，著有事文類聚。方輿勝覽、行世除廸功郎。子

洙，以蔡杭薦，知興化軍。

彭止

字應期崇安人詩筆甚高嘗謁辛棄疾值其晝寢題一詩於齋而去詩云碁子聲乾案接塵午窓時

夢暖於春清風不動階前竹誰道今朝有故人棄疾覺遣人追之延留屢月所為詩皆清灑典雅有刺鵲

集

陳以莊

字清叟建安人自號月溪詩句清新詞尤擅名

徐幾

字子與崇安人通經史尤精於易景定間與何基同以布衣召補迪功郎添差建寧府教授兼建安

書院山長撰經義以訓式多士

范師孔

崇安人咸淳舉人讀書武夷精舍三司辟師孔講書橫經析理深得要旨聞者嘆服工詩賦有

畫餅編行世子棄字不遐亦善詩

趙必連字仲連崇安人刺苦讀書築室黃柏里自號山泉翁植梅數百株名其室曰梅花庄與弟若樛

日倘伴觴咏  
著有得梅篇

劉應李字布泌建陽人咸淳中進士授本邑簿與熊禾

胡廷芳講道洪源建化龍書院於莒潭著有易經精義傳世

趙若樛字自木必連弟咸淳末登第性倜儻不治生產嗜吟咏尤工音律元高丞相入閩與語大悅曰

吾下江南所見名士無出生右者授同安尹不就著有澗邊集

宋秉孫字彛父建陽人淳祐進士累官朝奉大夫宋亡不仕以吟咏自娛卒

丘富國字行可建安人受學於朱熹門人淳祐中登進士為端州僉判宋亡不仕著周易輯解經世補



遺易學記約時建陽進士陳旦劉  
淮吳稚俱從朱熹遊為世所稱

鄭儀孫

字翠屏建安人從邱富國學易咸淳間應賢良  
舉又明年少帝北行儀孫退而著書易圖說詳

解大學中庸章句史學蒙求箋註性  
理字訓太守率幕屬迎於學師事之

張諒

字子京建安人與弟貢學易於邱富國著經史事  
類書澤二十卷後賜秩翰林應奉文字貢字壯夫

元

毛直方

字靜可建安人宋咸淳中預薦入元授徒講學  
士爭趨之有治靈稿四卷聊復軒藁二十卷嘗

編詩學大成及詩宗羣  
玉府三十卷行於世

劉邊

字近道建安人與熊禾友善工詩能文  
所著有讀史撫言自家庭意思集若干卷

楊載

字仲宏浦城人後徙家於杭博覽羣書年四十不仕戶部賈國英薦於朝召為翰林國史院編修與

脩武宗實錄延祐初登進士第授饒州路同知浮梁州事遷寧國路總管府推官卒趙孟頫在翰林得載

文極重之名動京師凡所撰述人多傳誦史稱其文章以氣為主詩尤有法度與虞集揭傒斯范梈齊名

所著有仲宏集

詹景仁

字天麟崇安人先世藏書甚富以文學歷撫州總管清江杜本以徵辟至京景仁與善本以忤

時相歸景仁延於武夷山築萬卷樓居之相與剖析疑與字內名流有過閩者皆造廬請益

張復

字伯陽建安人師事鄭儀孫學易得邱氏之傳嘗輯諸儒論議編性理遺書

蔣易

字師文建陽人善屬文有鷓田集及編皇元風雅行世

明

楊恭叔

名恭以字行建安人十歲作靈囿南薰賦元季舉浙江鄉試第一弟文叔亦舉第三時號聯璧

洪武初除甌寧訓導有文集若干卷

蘇伯厚

名埤以字行建安人博通經史精書法洪武初以薦至京授建寧訓導累擢翰林院侍書預脩

永樂大典卒於官著有素履集弟仲簡好學善文辭洪武初以明經薦授崇安訓導著有敬所小學善文辭

子鑑吏部稽勳司郎中著有金臺寓稿從子鉦善書畫著有竹坡稿

趙友士

甌寧人洪武初以明經舉為府學訓導尚書鄭賜少師楊榮皆出其門官國子助教有文集行

世

藍智

字明之崇安人學詩於杜本洪武間以明經薦累遷廣西按察僉事有藍澗集張旭稱其全體兼備

足追風雅凡山字靜之為武夷山長工詩有藍山集並傳於世

王相

建陽人七歲能詩以奇童薦洪武間累官監察御史有寒謬風卒於官署有雲蘭菴諸稿

張昌齡

字有年建安人有詩名洪武間以薦至京陞見日太史秦卿雲見太祖大悅除福建按察使致

仕卒有詩集一卷飯牛菴漫錄一卷

蕭福

字九疇浦城人學問誦博永樂丙戌進士選庶吉士預脩永樂大典除兵部員外尋改吏部以病乞

歸卒著有毅齋吟稿

黃濬

字景衡建陽人尚志節通經史百氏能言其同異得失由監生任霸州判官致仕縣故無志濬輯古

今纂脩成書  
晚號知非子

熊熙字文明建陽人少從侯官林玘學易與晉江蔡清同稱高第授翁源訓導所著有四書周易管天

蘇洵字景濟旣寧人成化改元詔起經明行修之士洵應薦預脩憲宗孝宗實錄書法備諸體寫染俱精

妙所著有貽拙  
集燕遊倡和集

楊茂中起授評事歷官江西僉事卒著有湛廬山人

集

田賦旣寧人正德進士授刑科給事中奉勅攢漕兩淮  
尋知池州調淮安以善蹟聞所著有巡漕集野樵

雜言  
等集

楊應詔

字天游建安人少有氣度以孝廉通籍絕意仕進著道學淵源天游集困學錄諸書

李有則

字子彛建陽人嘉靖舉人知順德縣文藻優瞻刺燭千言立就所著有東陽聞紀壁文考正等

書

黃三陽

字元泰建陽人通易詩禮三經及天文地理陰陽醫卜諸書以恩貢授吉安州同知罷運儲常

例庶而有惠終保定府通判著有易詩禮各講義

江騰鯨

字于潛建陽人隆慶丁卯舉人署教即墨歷萊州判好吟詩其論詩法曰詩寫性情竅發而萬

籟生有不得而自知者一近色相詩而俳優一著煙火詩而土木一若思索詩而鴆毒一假剽竊詩而穿

窬

徐驥字尚德浦城人性恬靜日以經史自娛

吳中立字公度浦城人隆慶進士疏乞歸養絕意仕進

古今奇鏡  
奇藏諸書

吳從周字世憲甌寧人性孝友萬厯廷試第一司訓

謝桂芳字性卿甌寧人萬厯中鄉薦博洽

趙秉忠字蓋臣甌寧人嘉靖解元萬厯進士天

黃世忠嘉賓孫萬厯中舉人為東陽教諭擢刑部主事

濟集十二卷  
麟經旨定  
四卷  
碧澗流玉四卷

李韡字去華崇安人天啟貢士崇禎壬午試南雍第一  
選福州府教授棄官閉門謝人事著易藻史畧若

卷干

邵武府

宋

李弢字仲權光澤人太平興國中進士博學能文與王  
禹偁善任江西提刑明恕第一遷兩浙轉運使卒

於官郡人登  
第自巽始

游烈字晉光邵武人皇祐元年進士從胡瑗學  
官至職官員外郎郡人知經學自烈始

黃通字介夫邵武人嘉祐二年進士韓琦范仲淹薦其  
才除大理寺丞風韻瀟灑嘗騎牛吹鐵笛浩歌長



肅衆目為異人有賦元夕燈詩者通病其詞語未壯  
自作云秦樓十二玉梯橫紫府千門夜不扃疑是端

娥弄春色彩雲移下  
一天星世稱其雄偉

李琬字子粹建寧人學行為鄉里所推同邑謝皓謝徽  
皆受業其門尚書葉祖洽以八行薦未受命卒有

行詩  
世集

呂勝已字秀克其先建陽人父祉死義勅葬邵武因家  
焉勝已從張棧朱熹講學皆罷重之熹為和東

堂九咏詩工隸書得漢法任湖南幹官  
歷知杭州官至朝請大夫號渭川居士

上官謚字安國邵武人為學務求義理不事章句後從  
朱熹遊益加涵養以祖均廕補會昌尉歷永州

軍推官為政簡易不尚  
刺深轉知四會縣卒

黃孝恭

字令裕邵武人與同邑邱珏同受學於朱熹修身嚴整起居有節度凡所論著具見確實

黃伯思

字長睿邵武人幼誦書日千言元符三年進士歷官河南府戶曹叅軍好古文奇字洛中公卿

家商周秦漢彝器款識體制悉能辨正淳化中博求古法書命待詔王著續正法帖伯思病其雜作刊

誤二卷工篆隸正行章草飛白諸體淳化二年除詳定九域圖志編脩官兼六典檢閱文字自六經子史

百家天官地理律歷卜筮之說無不精詣有文集五十卷翼騷一卷東觀餘論三卷

盧奎

字公圭邵武人政和中進士官至江西運判嘗作母我論為衆所推號盧無我其學多得於楊時晚

寓黔中著有筆錄十卷

王人鑑

字克明建寧人紹興中進士官至贛州僉判博學能文入太學對策時人目為策虎凡碑銘頌

記多出  
其手

吳英

字茂實邵武人嘗從朱熹學登紹興進士任泉州路教授著有論語問答

趙善佐

字佐卿宋宗室居邵武初學於張栻後從朱熹學尋繹舊聞晝夜講習尤究心於易授將樂丞

歷知贛州至即以書問熹政所宜先奉法愛民勤儉自飭熹聞之甚喜踰年卒民哀思之著有易疑問答

李安期

字恭伯建寧人淹貫經史以詩名遊江湖南謁四川恭建寧人淹貫經史以詩名遊江湖南

設罾錦鱗為飯水為羹銀袍止當簔衣着自在江湖過一生涯奇其才將薦之因奕爭道安期推枰曰公

平章天下亦可如是  
反覆乎遂拂衣去

嚴粲

字明卿邵武人精毛詩嘗自註詩名曰嚴氏詩輯朱熹詩傳多采其說

嚴羽

字丹邱一字儀卿邵武人自號滄浪逋客有滄浪集二

卷行  
叅號三世同族嚴仁好古博學嚴

丘翔

字元鳳建寧人博學強記善屬文以聲律魁鄉薦紹興中登第仕至梧州教授卒著有食芹集

李杜

字元白邵武人自號東坡居士劉後村唱和自號東坡居士

謝克仁

字夢得建寧人以文詞詩律遊江湖淳熙改元薦於鄉其題金山詩云半夜鬼神朝水府五更

鼓角動揚州大為張于湖所知  
有詩集行世子繹亦有詩名

葉采

字仲圭邵武人初從蔡淵受易已而往見陳淳淳以其好躡高妙而少循序痛砭之自是屏斂鋒鏑

駸超着實慶厯初為秘書監嘗  
論郡守貪刺之害理宗嘉約之

龔定之道字匡國邵武人紹定初進士善屬文尤善論天

分必有盜起庚寅五月晏頭陀冠邵武端平初授知

黃州統制孟珙詢及天文分野定之剖析甚悉薦之

於朝授太常博士後為史嵩之賈似道所中主管王虛觀致仕

吳季子字節卿邵武人寶祐間登文天祥榜官

黃去疾邵武人咸淳間宰將樂創龜山楊時精廬為

元作年譜聚輯簡冊政暇與諸生講習其間

黃鎮成字元鎮邵武人素厭榮利慨然以聖賢踐履之

山耕舍以薦授江西儒學提舉命下而卒自號存存

中庸章旨性理  
發蒙秋聲集

黃清老

字子肅邵武人恭定初浙江鄉舉第一明年登李黻榜進士曹尚書元用馬學士祖常請留館

閣歷應奉翰林文字同知制誥國史院編脩轉湖廣儒學提舉名公卿子弟皆踵門受業四方士無遠不

至學者稱為樵水先生著有樵水集春秋經旨四書一貫等編

李學遜

邵武人綱九世孫博學洽聞知天文尤粹於易為文典雅有法所著有易精解中星儀象等圖

黃周

字仲文邵武人父儀以軍功授建寧萬戶府鎮撫周英穎異常善書法工墨竹於書無所不覽元季

擢本邑令尋判邵武卒於家

明

魯伯輿 建寧人善為文養志山林洪武初以明經署本縣儒學事著有鳴岳集

上官祐 字用孚邵武人永樂間舉人博學工詩文授新城教諭陞弋陽令著有鶴林集

周璧 字文明邵武人嗜古文詞善音律弘治間以京與李東陽友善官雷州經歷卒有燕窩集行世

余夢呂 字汝輔建寧人志曾孫工詩文正德間以麻陽令歷鄭府審理歸雅好吟眺著有渭濱拙

世稿行

丘九奎 字子聚邵武人著有弋獲解六卷臺溪浣花詩集二卷

張能恭 字禮言邵武人崇禎庚午鄉薦第一所述有李忠定奏議選禹貢訂傳天地大文八十卷

### 汀州府

宋

吳簡言

字若訥長汀人有俊才端拱二年進士調綿州戶曹崇寧中擢博學宏詞科授著作郎

梁頽

字習之長汀人博學能文咸平中舉人以陳堯咨薦歷知廬州以和戎功遷開封判擢兵部員外郎

河南府少尹

陳宗道

字道夫長汀人大中祥符元年進士以文章經濟見知於冠準擢開封教授卒

吳庚

字西羨長汀人簡言曾孫皇祐五年進士刺志問學幾忘寢食效古人鑄鐵鏡以自勵調黃州司理

泉州推官終清海軍僉判

羅祝

字叔和長汀人元祐間行十科祝以明經中第調潭州法曹嘗手釋六經及注唐書尤精律數官終



明州觀  
察推官

李元白

名齊以字行寧化人博覽強記肆力詩歌嘗集大觀昇平詞若干首以進得初品官尋乞歸

梁龜年

字永之長汀人少家傳孫綽賦尤工之句人似賈生年更少家傳孫綽賦尤工之句

湯莘叟

字起莘寧化人紹興五年進士好吟咏有馬上吟云宿雨洗山新綠嫩曉風吹杏淺紅乾沙頭

路暖日初上行客揚鞭不覺寒幽居吟云葛巾簪下無多髮茅舍門前有好山膾炙人口仕終饒州推官

元

雷紳

字友綬清流人至正壬午舉人工詞賦卓犖絕倫遊京國間聲名大震以廉訪使張禎薦歷官絕江

西湖東道  
以母艱歸

明

胡時字子俊上杭人以明經教授於鄉善詩工楷書村居詩云豆種南山秫種田醒時獨酌醉時眠溪頭

水漲夜來雨門外山橫晚起烟村鼓數聲春社日牧童一曲夕陽天東鄰老叟時相問桑柘陰中話有年

洪武間邑令劉亨薦授本學司訓卒於官

童昱字道彰連城人宣德間從江右吳與弼講明正學動以古彰連城人自期凡冠婚喪祭悉遵朱熹家禮于世

堅師事王守仁亦以學行顯

李穎字嗣英上杭人天資雋異年十三或授以老子書曰學者當師孔孟何用此為從永豐邱賢遊都諫

邱宏謂穎詩文煙霞風月陶寫性情皆自然流出居梅坡著有梅隱稿又輯宋元鄉先輩詩名杭州風雅

集

伍晏

清流人。耽經史。工詞賦。弘治中以舉人任平度州學正。著有唐文精粹、中興詞選、名公雜錄、中原一

覽行世

賴維嶽

字密宗。永定人。萬歷間舉人。由永春教諭歷興寧令。嗜古學。多著述。有古今表、金湧集、半豹集。

世行

沈士鑑

長汀人。少孤。力學。博洽。羣籍。崇禎己卯舉於鄉。有清夢齋詩集、四書叅註、孔門崇祀議、藏於家。

李于堅

字不磷。清流人。崇禎辛未進士。起家汾州司理。遷禮部郎。提督浙江學政。著有吳楚遊集、西河

集水花長句

裴汝申

清流人善詩文與李本寧曹學佺相唱和崇禎末挈家入南山有薛月軒文集十卷行世

李世熊

字元仲寧化諸生性穎悟博極羣書目數行俱下凡墳典經史以及釋典道書醫卜星緯之學

靡不淹貫著有寒支集寒支二集行世又脩寧化縣志新裁獨打為通儒所稱

國朝

吳來鳳

字儀明永定人善屬文順治辛卯貢生著有天隨集行世

李長秀

字喬英長汀人順治十八年歲貢著有易經大全纂要孝經集傳弟長日善古文詞尤長於詩

著有石村草堂詩文若干卷

福寧府

宋

王鯨字彦龍福寧人熙寧元豐間兩預鄉舉遊鐘山讀王安石碑文薄其為人蘇軾守杭日開西湖鯨授

以詩有時闕西湖作勝遊使君元是濟川舟之句軾大稱賞

姚瀛字子山福安人七歲能誦班史十七應舉居太學以文名登隆興四年進士授教職嘗辨太元及潛

虛之數著有鳳者集

張叔振字振之弱冠舉乾道進士橫經授業一時衣冠多出其門累官至太府丞登對皆當代急務著

有奏疏詩文集

陳英字義叟寧德人博通經史百家之學壯遊江湖晚歸桑梓執經北面皆達官顯者著樂天集十卷

陳成父

字玉汝寧德人辛棄疾持節來閩聞其才名羅致賓席著有律歷志解默齋集若干卷

張翰

字雲卿寧德人學行醇正高頤余復皆師事之登乾道二年進士居官蒞民所至有聲著觀過錄三

十三  
章

王宗傳

字景孟寧德人學問諳博尤精於易以上舍登進士第歷廣東韶州教授著有易傳行世

陳應龍

字定夫寧德人精尚書春秋又喜讀孫吳書淳熙間以武舉試右庠陳傳良見其文詫曰此館

閣才也  
選授修江尉

許叔度

字福寧人字端大兄弟五人俱有才名嘗著江東十論推原三國六朝離合之故耀軒王邁為之

註釋

康執權字伯可南渡後以樂府擅名嘗待詔金馬門凡朝廟樂章兩宮宴集皆假其歌咏故應制之詞

居多官  
至侍郎

黃館字經叟福寧人博通經史善屬文尤工詩有金帚集

陳經字正甫福安人慶元中進士官終奉議郎沈潛道學著有書解五十卷及詩講義存齋語錄行世

林駒字德頌寧德人穎悟力學九經註釋默識成誦下至山經地志稗史小說釋老之書無不通曉尤習

當代典故領嘉定九年鄉薦鄰邑爭迎為師歲聚徒以百數著有皇鑑前後集源流至論行世同邑進士

黃履翁復彙別集十卷補至論所未備

繆烈字允成福安人入國子上舍省試第一授福州教授四方從遊者衆遷正字著春秋講議十卷仲山

集數

張安修

字孟堅寧德人博通經典工詞賦嘗領漕舉有翠樾詩集子霞字野夫亦有詩名

鄭士懿

字從之寧德人七歲讀書過目成誦登進士時真德秀知貢舉得其卷曰經綸之才也尋遷太

學博士出知武岡軍公明廉慎政化大行每上章極論朝政闕失著有定齋集

劉自

初名堯咨福安人幼通五經四應漕舉不第改名自初省試第一登淳祐進士授梅州教授時重儒官

之選兩名館職仕終朝請郎著有歸田集十卷

鄭君老

字邦壽年十七舉咸淳進士朝士交薦不起居家孝謹內外無間言後進多師之及卒學者私

諡靖節先生著五經解疑梅壑集



元

林仲節

字景和福寧人少聰敏領浙江省試第一舉泰定進士有書經義四靈賦行世

陳自新

字貢父寧德人精於易原本傳義而推行以皇極經世諸書從遊日衆工詩著有起興等集

韓信同

字伯循寧德人性穎異工文賦教授石堂究心濂洛關閩之學延祐間應浙江鄉舉不合歸著

有四書集解史類纂及詩文集十餘卷

明

蔣悌生

字仁叔福寧人洪武間舉明經任本州訓導著五經蠡測五卷

周越

字賢夫福寧人洪武中鄉薦授建寧教授雲南平撰賀表稱旨賜金帛秩滿召至便殿承顧問以質

直見重授國子司業  
有學古齋集二卷

林保童

字子成寧德人博覽羣書為文不煩繩削自中  
矩度洪武間進士知綏寧縣著有成齋稿子尹

領鄉薦亦有時  
名著雪齋稿

盛仕春

字仁仲以貢任泗州司訓性耽書至忘寢食有  
得輒書之經史百家靡不淹貫著有蠡齋續稿

龔道

字士行寧德人未冠隨父膺官京師舉鄉薦卒業  
南雍宗伯林瀚素器重之及卒翰弔以文比之賈

誼李賀所著  
有碧山集

鄭漢

字濯之福寧人舉順天鄉薦知城武縣以事忤當  
事歸杜門不出手錄陶潛羅從彥一百四十一人

為一帙自號澹然居士著  
有澹然集年八十九卒

國朝

游龍

字起南順治丁酉鄉薦授新建令以清慎聞及謝病歸卜築南陽足跡不履城市所著有偶譚江城

鳴草道德  
經註釋

孫嗣康

字雪珍篤志嗜學順治己亥副榜著有燕遊草  
怒齋集五卷同時有盛時字利見好學能文從

遊者履滿戶外著有四  
書闕異洗月丈人集

崔從

字五竹寧德人順治間鄉貢為人慷慨  
敦氣誼好古文詞工詩賦著有瑤光集

臺灣府

疆域初闢文苑  
尚需後來編載

永春州

唐

盛均字之才永春人大中進士舍人皇甫煥博辨自雄與賓客及門廣引發難多不終席均應荅如響時

謂勅敵嘗病白氏六帖踈畧廣為盛氏十二帖囊括經史貫穿百家頗資時好任終昭州刺史

五代

陳保極永春州人後唐天成間與弟元亮仕江南李氏陳元愷建永春縣記有云詩人賦客則陳職方

名擅梁國陳行軍聲騰江左蓋美保極兄弟也

宋

蘇升永春州人紹興中進士有詩名著頤齋集同時進士揚宏才著後詎集又嘉定進士蘇思恭著省齋

集皆傳  
於世

明

顏廷渠

字範卿永春州人嘉靖戊午歲貢授九江府通判遷岷府長史以詩名年七十餘縱遊燕薊吳

越間所過畱詩紀勝著有楚遊草  
燕南寓稿叢桂堂集及杜律意箋

李開芳

字伯東永春州人萬歷癸未進士歷兩廣江西藩臬著有天風堂集數十卷善諸書體工畫從

弟開藻同榜進士歷官提  
學僉事著有性餘堂草

國朝

黃鵬揚

字奕奮永春州人順治丁酉舉人授知縣著有咏史詩集五經纂語史辨等書

龍巖州

宋

劉崇字君美龍巖州人元祐庚午魁開封試善政綱舉而網疎賦舜不窮其民論勸農孔孟二策皆為瑒

屋楷式次年登第歷諸王宮教授  
樞密院編脩官遂乞宮祠致仕

陳甫龍巖州人元祐間與劉崇俱以詞賦擅名劉登第後陳遂隱溪南嘗賦詩云大不手持卿相印小無

人擁使君符門前溪水綠  
如染好把一竿坐釣鱸

明

黃芹字伯馨龍巖州人從蔡清學正統間以貢授海陽司訓以親老致仕所著有易圖識漏易經口訣史

圖纂要家禮  
易行等書

福建通志卷五十一



欽定四庫全書

福建通志卷五十二

流寓

天地一蘧廬耳隨寓而安何所不可雖然亦有不  
得已者焉遂臣去國遊子離鄉當年憂愁幽思無  
可告訴豈意百世而下有誇為盛事傳為美談者  
乎乃知地以人重人不以地重也晉自南渡以來  
衣冠之族僑寓於閩者衆乃若騷人逸士選勝尋

幽載遨載遊爰居爰處文采風流遍十郡矣夫物  
不產於閩可寶者多況於高賢而至止者乎用綜  
芳躅以誌景行可矣志流寓

福州府

梁

虞寄

字次安會稽人仕梁為宣城王國左常侍嫻文詞  
常上瑞雨頌武帝謂其兄荔曰卿家士龍也侯景

之亂避地入閩陳寶應據郡欲署幕職固辭寶應有  
逆志寄上書屢諫不從遂隱居閩之東山杜門稱疾

寶應怒遣人焚其舍寄安臥不動縱火者尋自救之  
寶應敗僚佐賓客多誅死惟寄獲免閩人愛寄名其

隱所曰  
虞公菴

唐

劉存

字一心號淮叟光州固始縣人中和初黃巢寇亂率子姪避地入閩卜居候官之鳳岡平居戒子姪

曰農者天下之本若衣食足則當事讀書而文以禮樂苟求利祿不願汝曹效也至老齒髮復生日披鶴氅衣支九節吟咏山水間存生於元和八年癸巳至長興四年癸巳卒壽一百二十歲妻薛氏亦百一十歲邑人陳保極為之傳葬側螺墩劉氏八賢皆存之後

崔道融

荆州人以徵聘為永嘉令避地閩中依王審知與黃滔相友善後卒於閩滔為文祭之

韓偓

字致堯京兆萬年人昭宗時為翰林學士承旨朱全忠怒其薄已將殺之鄭元規救解乃止與常侍

李洵中書舍人王滌補闕崔道融司農王標吏部郎  
中夏侯淑員外郎王拯刑部員外郎楊承休弘文館  
直學士楊贊圖王個集賢殿校理歸傳懿皆文學名  
彦周遊荆襄吳楚間以閩最安遂同入閩依王審知  
號玉山樵人天祐間昭宗思偃復召之偃不敢入朝  
後卒於南安龍興寺著有內庭集金鑿室記香奩諸  
集

周朴字太朴吳興人唐季避亂先寓安溪永安里所居  
有塘名曰周塘山後居福州烏石山僧寺性喜吟  
詩每遇景物搜竒抉異日盱忘返與僧靈觀長官薛  
逢為友黃巢陷城得朴將用之朴曰吾尚不臣天子  
宥從賊乎巢怒殺之湧白膏數尺後  
人以為神祀烏石山賜廟號曰剛顯

宋

鄭居津字知要河南人高宗南渡隨徙入閩仕終浙東路提舉秉性靦直時政有不便者輒抗疏論之

歸老於家

游汶

字魯望德清人咸淳中為福建提點刑獄賈似道竊柄遂罷官家福州元初以遺逸奏為福州總管

堅辭不出題所居戶曰遺民浮宅衣一布袍寒暑陰晴不脫書其背曰遺民破衲常登道山吸泉刈草吟

樂咏為

元

鄭潛字彥昭歙縣人至正中為福建監察御史擢海北廉訪副使後以泉州路總管致仕寓居懷安之衣

山嘗建義學以教里之子弟又置渡於白苗陽崎二江買田給操舟之費郡人至今利之

陳高

字子上浙江平陽人至正十二年進士以親老便養授慶元路錄事度時不可為輒自免去一時擁

兵徂強州郡間者爭致之不可得平陽陷棄妻子往來閩浙間與靈武王翰相善有同遊羅源蓮花山記復著不繫舟漁集秘書監揭泐亟稱其文洪武初高子從軍入閩因家焉

明

豐熙

字原學鄞縣人弘治進士及第第二人嘉靖初為學士以議禮忤旨謫戍鎮海衛寓居雲洞講學著

書絕口時事或有感慨於吟咏發之率衛諸生為鎮海理學陳真晟周瑛立祠時與蔡烈方良永鄭岳林

茂達諸公遊羈居會城之西郊十有七載卒熙博極羣書為文古雅典則金石之作尤所擅長

練纓

練子寧裔孫與弟綺竄寓長樂萬厝間纓子思祖手哀子寧遺事萬里伏闕上書請子寧卹典大學

士葉向高方伯謝肇淛侍郎董  
應舉各為文及詩歌以送其行

錢肅樂

字希聲寧波人崇禎丁丑進士明亡挈家寓福  
清貧至不能炊有來饋者米蔬外悉不受嘔血

數月卒葬  
黃蘗山中

沈野

字從先吳人為入派介寡合儻居吳市教授里中  
下簾賣藥雖甚饑寒人不可得而衣食之也曹學

全見而激賞之延置石倉園題其所居之室曰吳客  
軒好飲與謝肇淛徐燠徐焘兄弟友善學全常朝之  
曰半夜號咷常索酒一生羶醜自  
困詩有臥雪閉戶燃枝榕城諸集

興化府

唐

孔仲良

至聖四十一代孫貞元太和中歷官莆田令因家涵江卒於莆子孫散居民伍宋紹興間朱熹

過莆視其家所藏告身七通及家牒世譜乃告守臣更其版籍蠲免稅糧

李庭芝

宗室子其先曰尚芬者居福建天寶之難勅募宗室尚芬率子弟應募以戰功顯漢乾祐間遷

於僊遊之汾陽宋初收錄前代帝王子孫授庭芝泉州教授

宋

留居道

從效猶子宋開寶間出判莆田因愛僊遊赤湖山水之勝遂居焉後累贈尚書左僕射家藏建

隆褒論御筆甚詳

趙仲白

宋宗室寓居興化軍趙紫芝工為晚唐時負才名仲白亞之有山中集



徐林字穉山吳人宣和中進士歷官戶部侍郎紹興間  
勅論秦檜親黨謫居莆田生平愛慕鄭樵每聞樵

語必手  
錄之

### 泉州府

唐

秦系

字公緒會稽人天寶末避亂剡溪復徙南安有九  
日山大松百餘章相傳東晉時物系結廬其上穴

石為研注老子彌年不出刺史薛播數往視之歲時  
置羊酒而系未嘗至城門姜公輔謫泉訪系與語窮

日不能去乃築室依焉公輔卒妻子在遠系葬之山  
下張建封知系不可致請就加校書郎其後徙秣陵

年八十餘卒南安人為立亭  
曰秦公亭號其山為高士峯

陳黯字希孺潁川人舉進士避黃巢冠亂居終南山後徙同安之嘉禾與讀書終身所著有辨謀等篇

又有碑正書三卷四十九篇朱熹為簿時得於其家因為之序

五代

劉乙字子真不知何許人仕閩為鳳閣舍人後棄官隱居安溪鳳髻山終身不出與周朴詹君澤為友

宋

李邴字漢老鉅野人崇寧五年進士累官叅知政事後除資政殿學士提舉洞霄宮寓泉州幾二十年好

游山水以詩自娛著有草堂前後集一百卷號雲龕先生累贈太師諡文敏後改諡文肅因家晉江

趙思誠字道夫高密人父耗之崇寧中宰相思誠與兄存誠相繼成進士弟明誠亦有文學建炎南渡

存誠帥廣東與思誠謀移家所向以泉南俗淳乃自  
五羊抵泉因家焉思誠後以寶文閣待制守泉明誠  
亦以集英殿脩撰帥金陵從弟濬渙皆第  
進士渙任御史以親黨皆在泉亦徙居焉

王 巨 字嘉叟北嶽人建炎南渡從諸趙卜居於泉  
負才以廕補官累遷刑部侍郎在官抗疏言論切  
直後乞祠歸泉寓僧寺未嘗一問貨  
產其詩有投老歸來乏一錢之句

元

王 彙 字並君邵陽人登至正庚辰進士歷貴州行省叅  
政言天下羣盜蜂起直諫內廷之非權臣阿實克布  
哈諧其忤旨譴  
謫入泉遂家焉

漳州府

唐

長孫冲

諫為許敬宗所陷坐削官爵封戶安置黔州冲

等流嶺外盖漳土也後數月詔覆按反獄敬宗令大理正袁公瑜等即黔州暴訊無忌按綵卒冲免死卒

於貶所今墓在漳浦縣東隴塘

宋

楊令問

蜀人殿中丞仕休之子淳化三年第一甲進士歷職方員外郎咸平景德間任防禦使璽書廢

寵者三天聖初謫居漳州

趙鼎

解州人高宗時為相罷知紹興府為秦檜所忌徙知泉州復上書言時政檜諷中丞王次翁論之謫

興化軍移居漳州

岳震飛之子也飛被誣時震謫嶺南後移於漳因家焉  
孝宗嗣位始召還官至戶部郎中其子此以祖澤

補任連城尉卒

向士璧字君玉常州人景定中制置湖南時元將兀良哈攻潭縣士璧極力守禦以解圍功拜兵部侍郎

郎兼轉運使賈似道諷臺官摠撫其罪劾罷之出漳州安置

明

邵經邦字仲德仁和人正德辛未進士歷員外郎嘉靖初以日食建言謫戍鎮海苦心學道竭力啟蒙

著有三大宏錄曰  
宏道宏藝宏簡

陳九川字惟濟撫州人正德甲戌進士歷官郎中以諫南巡廷杖謫戍鎮海

李材字孟誠豐城人嘉靖進士以巡撫中丞坐事下獄論死尋改戍鎮海一時從遊者衆其學闢門戶

漳士大夫咸執弟子禮稱為見羅先生

### 延平府

### 唐

范元超字仲達節度使希朝之子咸通八年進士官至御史中丞天復中避朱全忠亂寓劍州子高

天祐間典務尤溪縣遂即豐城鄉小田定居焉

### 宋

張纂固始人宣和間拜朝散大夫金人南侵纂扈

范機字純之其先幽州人後徙延平乾道初任甌寧簿

之義為詩以  
後竟不出

明

王孫蕃號初生洲雄縣人萬曆戊午舉人

艾南英字千子東鄉人天啟甲子舉人

陳道暉內鄉人崇禎辛未進士

胡夢泰鉛山人明末入閩寓劍津聞大師入夢泰仰

沙岸棺上載夢恭姓名里人收  
寄山寺後數年為墓於積翠巖

### 建寧府

### 陳

顧野王

字希馮其先吳郡人隨父烜宦闕居建安侯景之亂野王先以父憂歸本郡廼募鄉黨隨義軍

援宣城野王體素清羸及杖戈披甲陳君臣逆順之義詞氣俱壯城陷逃會稽任陳為黃門侍郎光祿卿復悅武夷之勝卜居崇安野王通經史善丹青尤精於字學初與瑯琊王褒並為宣城王賓客王甚愛其才於東府令野王畫古賢命王褒書贊時人稱為二絕嘗撰建安地記二篇又撰玉篇三十卷輿地志三十卷符瑞圖十卷顧氏譜傳十卷分野樞要一卷元遠象一卷並行於時又撰通史要畧一百卷未就而



卒

唐

翁部字秀長安人昭宗朝官至河西節度使朱梁僭竊以父祖官閩地僻靜可避亂乃移家建陽之

義寧後徙居

劉翱京兆人辟山南節度幕官峒寇據雲安翱攻之裨將欲屠城翱不許誅其首惡全活甚衆昭宗末年

與弟金吾將軍翱將作監簿幽入閩翱傲居崇安翱與幽居建陽

五代

鍾謨字仲益其先會稽人徙居崇安之會仙里博學多識南唐主李景愛之擢為吏部郎中恭預國政遷

翰林學士戶部侍郎知尚書省事後因議立太子貶國子司業流饒州殺之弟訓仕南唐知尚書省事官至銀青光祿大夫諱太常奉禮郎知崇安場事

宋

豐稷字相之鄆縣人徽宗立召為御史中丞嘗論蔡京曾布姦佞又言司馬光呂公著宜配享哲宗廟廷

以忤貴近出知越州後蔡京執政稷遭貶竄除名安置建州

林公武不知何許人建炎初避地建州城南時葉懷作亂公武持帛書詣賊壘招降賊疑為間諜將殺

之乃取玦卜神曰玦立乃免公武倚案而立無懼色賊異釋之

趙士褒字立之宋宗室紹興間封齊安郡王權奉濮邸祠事數言事忤秦檜及岳飛被誣願以百口保

其無他檜大怒今臺官論之  
謫居建州十有二年而卒

呂祖謙

其先河南人後徙金華與朱熹張栻友嘗入閩  
中從林之奇講學久之乃歸時稱東萊先生

鄒誠

其先固始人淳熙間陞建寧路刺史挈家赴任尋  
以賦役繁重閭閻蕭索嘆曰吾何戀戀一官急催

科以困吾民為引疾謝政卜  
居天湖山子孫遂為建州人

張仲隆

營邱人遊閩客崇安光化禪室明窓淨几列資  
治通鑑百帙焚香玩誦朱熹為之記歛人祝康

國亦居崇安  
從朱熹遊

華岳

池州人為太學生開禧初韓侂胄將開  
邊釁岳上書諫止侂胄怒編管建寧

曾松

章貢人仕至江西帥叅嘉定中寓居建陽東非有  
竹原山即劉勉之朱熹講道處松作樂斯菴於其

旁友人黃  
幹記之

葉味道

名賀孫以字行温州人師事朱熹於武夷山中  
學禁開登嘉定進士理宗朝遷宗學教授所著

有四書說大學講義祭法宗廟享  
郊社外傳經筵口奏故事講義

鍾季玉

樂平人嘗為江西運判提點都大坑冶元  
兵渡江季玉徙寓建陽兵至不屈死之

張紹先

其先湖湘人宦遊四方愛建陽山水遂家焉題  
所居曰閒樂與賓客論學不輟又闢室百楹為

同文書院以待四方賢俊熊禾稱  
其隱退非泉石而無補於時者

謝枋得

字君直號疊山弋陽人德祐中除江東制置使  
知信州呂師夔叛降元引兵攻信州枋得禦之

與戰不利變姓名入建寧唐石山日麻衣躡屨東向  
而哭不識者疑其病狂後賣卜建陽市通都橋上下

者委以錢不受惟取米屨而已其後人稍識之多延  
至家講學宋亡遂奉母居閩元使人聘之枋得作書  
致時宰自謂宋室逋臣祇久一死後強迫至燕不食  
死妻李氏子熙之定之被執自縊死弟君烈君澤及  
三姪女皆死於獄兄君平在九江不屈斬於市女適  
通判周銓早蔭無子閩父母死亦自縊熙之子誼定  
之子仁復避地入福州誼居仙塔仁  
子遠以鄉進士授松溪教諭居瓊河

# 元

## 杜本

清江人皇慶初御史大夫和哩木薦至京師不果  
用嘗遊武夷築臺居焉文宗初立遣使召見不赴

至正中大臣奏授翰林侍制兼國史院編脩官  
以疾留武林後歸武夷卒有清江碧嶂詩一卷

## 孔克和

父楷至正間為崇安尹卒於官克和與弟克遜  
卜居武夷建孔子祠祀之今其地名小孔林

舒穆魯伊遜字申之廬州人以副都元帥守廬明獲其母與弟以書招宜孫不至遁入建寧復出與明

師戰敗走死於桃坂太祖嘉其忠遣使諭祭州民祠祀之

明

張矩廣陵人父伯巖元季為崇安五夫巡檢遂卜居焉依屏山劉氏得其遺書讀之遂通五經諸體書皆

精絕洪武間薦為崇安學訓導

章溢字三益龍泉人元末避地入閩隱於建寧之匡山明太祖以東帛召溢與劉基葉琛宋濂同至建業

溢僉營田司事屢立戰功拜御史中丞兼太子贊善丁內艱以哀毀卒太祖憫悼親撰文遣官祭之

熊明遇江西人萬歷進士官禮部尚書著有華日樓集子霖登天啟進士官禮部尚書明季父子避地

入閩寓  
建陽

劉景瑗永豐人僑寓浦城明亡  
自縊類官妻亦從死

邵武府

宋

張清棧次子恬退不仕淳熙間家於邵武其子定  
亦力田隱居矢志高尚不慕仕進有祖父風

明

劉最崇仁人正德丁丑進士知慈利縣嘉靖初擢禮科  
給事上疏言中官以齋醮糜內帑忤旨左遷廣

德州判官又為中官所中  
下獄謫戍邵武七年赦歸

汀州府

宋

孫升

字君孚高郵人哲宗朝召為監察御史多所建白  
紹聖中坐黨籍安置汀州三載卒著有談圃

曾肇

字子開建昌人累官翰林院學士熙寧以來大臣  
更用事邪正相軋肇數不合崇寧元年出知岳州

繼貶  
使安置汀州四載

趙令衿

字表之宋宗室官至明州觀察使因觀秦檜居家  
廟記口誦君子之澤五世而斬之句檜怒謫居

汀州檜  
死放還

蕭規  
臨安人與葉李上書詆賈似道似道怒  
令林德夫告規用金飾齋扁黥配汀州



福寧府

宋

師古

字聖謨蜀人嘉熙四年元破蜀古避之公安州人林惟屏王宗望輩迎於公安講學金臺寺及歿即

寺立祠正歲諱日必奠焉學者稱義豐先生

陳傅良

號止齋瑞安人先世自長溪擢秀里徙之瑞安固義里凡七世而傅良生乃寓長溪周大山有

紀詠錡於石林湜楊興宗與之友

臺灣府

國朝

辜朝薦

字在公潮州人明進士授江南安慶府推官歷掌科垣晉卿寺與郭之奇羅萬傑黃奇遇號為

四駿初棲廈門康熙甲辰至臺灣尋卒

沈光文

字文開鄞縣人自肇慶從海道抵金門閩總督李率恭致書幣邀之不就欲挈眷入泉遇颶風

飄至臺灣遂寓焉改服入山教授生徒兼以醫藥濟人所著文集詩賦甚多

永春州

隋

鏡臺翁

名弗傳陳叔寶之子隋既平陳鏡臺與宗族引兵南奔據桃林塢之肥湖後文帝有旨令鏡臺

釋名為民遂居肥湖之瑞峯今永春州桃溪山肥湖溪是也又有稱御史大夫者失其名亦叔寶之子從

鏡臺入閩隱於峭峯距桃  
溪十里今陳氏皆其後

龍巖州

福建通志卷五十二

欽定四庫全書

福建通志卷五十三

隱逸

神龍驤首幽雲景升賢聖脩德志士思名士患不利見耳安有韜伏明姿甘是堙暖者乎雖然人各有志無容強也夫詩詠白駒莊寶靈龜彼豈為名高計哉意必有足乎已而無待於外者而後白雲可怡紫芝可採也不以人爵易我天倪何其偉與

志隱逸

福州府

唐

陳策

字德宣福清人歷官水部郎中蚩厭榮寵歸彌勒小隱巖讀書自樂人罕見之

五代

王仁績

福清人閩王審知聞其賢令試大理評事恥受偽命辭不就隱居龍山終其身

陳旼

閩縣人性沉澹古朴不樂仕進學者多師事焉隱居石門巖自種蒨笋為糧有餽之米者必答以所

種使相當南唐主以幣致之旼入見布裘鹿鞞進止雍容因獻景陽臺懷古詩南唐主稱善欲授以官固

辭賜粟帛  
遣歸舊隱

宋

陳則之

侯官人。有文行。隱居不仕。以著書為業。鄉人薰其德者。莫不勵操行焉。

湛俞

字仲謨。閩縣人。景祐中累官屯田郎中。年五十歸隱於閩之館前鄉人名其地為旌隱坊。尋復遷於

城南宿棣洞。三召不起。劉康夫為作山居記。

劉渙

字孟潛。侯官人。隱居北溪。日釣溪上。以歌詩自娛。元祐中郡守許懋聞於朝。辭不就。號北溪翁。子

達。夫字宣中。元和中入太學。渙卒。達夫遂無仕進意。隱居北山。崇寧中舉。遺逸授松江簿。擢温州教授。有

薦於朝者。辭曰。仕非吾志也。遷越州教授。卒。

邵清字彥明古田人元祐間太學生有十彥之號嘗從張橫渠學易歸築室先塋之側聚書千卷角巾鶴

髦徜徉其間嘗應入行舉不赴鄉人稱為八行先生晚歲好觀道書年八十四卒

劉世侑字景周長樂人性恬退不樂仕進嘗授承信郎監行在瞻軍激賞庫尋棄歸雅好黃老之術築

一室植花竹日與文人羽客觴咏不預人間事妻兄陳自強與韓侂胄有舊不數年位至宰相以有道辟

之力辭不就自強敗不預其禍

劉琛字文璧福清人行誼端謹尤工文辭不慕仕進以舉子業授徒多有顯者嘗與鄭潛講學論道於江

山平遠樓鄉人相語必稱兩先生云

李元譽字子貞古田人以布衣名除國子錄不起



林幾復

連江人學問該博時稱為書厨隱居教授從者甚衆

黃雍

字子邵永福人知宋將亡隱居山中語及時事恒流涕文天祥勵志恢復聞其慷慨多奇以詩招之

雍度時事不可為辭不就然每誦其詩輒慟哭後天祥開府南劍復物色之終不出

王仕榮

字伯仁福清人家居授徒自號遊菴時本省士子皆就浙省應試其友約與俱行堅持不赴一

意歸耕其友以夙學不見用箴之曰吾之素心正陳希夷先生所謂却被白雲畱住也學者稱為雲住先生

元

林全

字子貞與弟合並有隱操植梅百株結廬其中兄弟愛敬有如父子至元中臺郡上其行誼詔徵之

不就著有小孩山  
人集合字子常

陳東

字景暘長樂人雋敏多聞浮游沅湘吳越間諸所  
歷覽輒形歌咏僉郡同知郭履辟為較官辭不就

僉憲趙承禧以遊跡邱園不求聞達薦東曰吾既不  
求聞達乃復名塵薦剡去之隱居足跡不至郡城

方伯載

閩縣人強記善問薄科舉文字而喜為詩元制  
典人十等一官二吏七匠八娼九儒十丐之目

人問伯載何下乎程文應選笑曰吾人品豈在  
丐之上娼載之何下乎吾將為逸民超然十等外

明

林清

閩縣人避元不仕隱姓名匿居山寺會府公編冊  
寺中見清詰問且曰能詩乎答曰頗能即以冊號

八音命次之清應聲曰金紫何能一掛懷石田茆屋  
自天開絲竿釣月江頭住竹杖挑雲嶺上來匏實曉

收栽藥圃土花春長讀書臺革除一點浮雲慮木筆  
題詩酒數杯府公驚羨遂與為友政暇輒携酒過飲

倡和移日一旦忽論海濱人物因曰如林清者雄才  
碩德惜未見其人清不覺有感府公曰公殆是耶清

曰若林君君安得見之相與盡醉罷明日府公物  
色之不知所往孫誌永樂進士第二人官諭德

林岳字公頻閩縣人明初將出仕卜遇坤之豫遂卜居  
螺江臨流賦詩自號括囊子弟巒英偉孤潔累徵

不起自號晞髮先生有芹陰清嘯等集姪頰著  
作宏富不樂仕進自號巢雲子靈武王偁贊焉

鄧定字子靜閩縣人元末兵起定削跡東山以著述自  
娛洪武間與兄誠並徵遺逸誠應聘定固謝曰有

兄馳驅可報主恩定幸草鋤無恙願從  
田間老耳年八十餘卒有耕隱集行世

姚忠字用恕懷安人明理篤學深得聖賢之  
旨雅好山水不樂仕進自號耕雲山人

鄭昭字仕賢閩清人洪武中有司以孝廉薦辭不就委棄田廬入山益深有司舍之始歸葺屋墾田家居

助葬賑饑立家塾以訓子弟每風日清美杖履徜徉觴咏自娛人敬仰之

鄭文霖字汝衆長樂人自號耽犂子建文初徵辟不仕與王恭諸人相倡和中丞練子寧作耽犂子賦

贈以

林紹字淳裕長樂人能詩永樂中邑人王恭王堅交薦於朝被徵不起有林泉清響集

陳翰字文起侯官人建安楊榮方以文學詣博士受業見翰謂曰孺子何能曰治論語榮因問天下歸仁

翰曰須彌納芥子客有未喻者時適薦含桃翰舉其挾曰仁在其中矣一坐愕然五年榮以進士起家翰

歸鄉里屢使招之自匿不見徧遊名山十年歸與妻子訣隱居大姥山中後不知所往

何師亮字以寅福清諸生持已峻潔明末披緇削髮徙居祖父墓側自稱無庵居士著有無庵集三卷

### 興化府

### 宋

林緒莆田人五代末杜門避世窮索古典嘗慕陶潛嚴光之為人大中祥符間舉草澤遺逸州郡以緒應

詔授將仕郎本軍教授不出

茅知至仙遊人操尚介潔不求聞達築廬隱縣西之下邨以六經教授鄉里蔡襄甚愛重之景祐中龐

籍以德行薦補州教授不赴著有周詩義二十卷至性書三十卷

徐復字復之莆田人遊學淮浙絕意進取博學多通嘗聽人論樂因以聲氣求之遂悟大樂論胡瑗變作

樂器之非後環制作皆不效又與范仲淹論西方當用兵器推其日月無少差慶厯初召見問天時人事復對曰以京房易卦推之今年所配年月日期當小過也剛失位而不中其在強君德乎翼日命為大理評

事固以疾辭賜號中晦後居杭州萬松嶺與林逋並稱二處士云

陳易字體常仙遊人好學工詩熙寧中遊京師王安石邀一見不辭而歸隱於蔡溪野服巾泊如也崇

寧間舉遺逸八行皆不就陳覺民又以行能尤異薦終不出

方絢字君素莆田人篤學力行部使者以八行舉辭不就隱居西山人稱為濯錦先生

方秉白字直甫莆田人隱居不仕孝宗朝以孝薦薦不起有草堂文集行世

林大有字亨之仙遊人有學行招捕使以聞於朝授以官不出

元

林壁卿

號樵谷莆田人精易象星數之學世祖欲授以官力辭歸隱參斜巖著書自樂學者稱為節隱

生先

明

林承霖

字雨可莆田諸生崇禎甲申京城失守承霖入參斜巖隱居潛心理學家貧藜藿不飽與同郡

謝天駒景次莆陽四篇行世天駒字山子攜家入山置書數千卷以吟咏編摩自樂終身不出

泉州府

宋

蘇隨晉江人嘉祐二年進士任博羅令棄官歸隱葆神鍊氣不與俗接人稱紫雲先生一夕夢遊異境覺

而賦詩曰夢乘鸞鳳到仙家侍女風流魏月華琥珀蓋斟千歲酒琉璃屏種四時花金函藏籙文刊玉石

壁題名篆點砂一枕北窓初睡覺日移門外柳陰斜後數年端坐而逝

黃登字君涉南安人少遊上庠與陳覺民有研席之好及覺民守泉未嘗干以私卒覺民以文誅之謂其

窮經耻受一命學道遂造大方視茹蔬如享大牢在蘇處若持五戒張讀亦以隱君子稱之

梁君護字湯夫南安人晦迹韜光淡於名利隱邑之靈秀山風節高邁詩翰清美人多傳之

明

莊逢辰字士明晉江人躬種藝養母母卒喪葬一依朱熹家禮洪武初隱居不仕學者稱靜齋先生



陳瓛字微仲由福州移家晉江性孝友不求聞達工詩詞宣德間累召不起號為徵君

趙復字無疾晉江人隱於邑孤山博通經史不求仕進冠婚喪祭以古禮為倡人多化之稱為莊節先生

### 漳州府

### 宋

楊珂長泰人豪逸不羈吟咏自樂以林泉終其身嘗詠明月詩云明月欺人醉不知夜深偷入讀書幃好

將松戶牢關鎖留  
取清光莫放歸

沈子真字景實詔安人性至孝德祐間以歲貢補太學授揭陽丞見宋祚將微歸隱九侯山宋亡但書

甲子人比  
之陶潛云

明

黃汝剛

長泰人隱居鴻溝治田畝好種蒔讀書養志以四書小學教授鄉人有不平事皆來質輒慰解

使去年八  
十五卒

孫賓利

號義伯漳浦人崇禎庚午舉人明亡隱於八都之湯坑採山釣水學者稱為端介先生

延平府

晉

廖崇

字實卿性質直不妄交遊嘗隱跡於泰寧之雲蓋山終歲讀書不出內史王羲之聞其賢遣使徵之

堅辭  
不赴

宋

余起順昌人不求聞達當咸平景德之際隱居於祥雲峯嘗扁舟往來垂釣潭中里人高之因名其潭曰

潭釣

吳儀

字國華南平人清修力學隱居橋溪上或行歌松蹊竹壘楊時嘗題其釣臺咏歸堂及諸亭館羅從

志彥師事之自號審律時稱審律先生與從弟熙並勵志操時稱雙壁元祐間陳瓘以儀兄弟學行言於郡

守守薦之於  
朝辭不赴

廖蕃字世茂將樂人教授生徒屢徵不起時號安節先生著有恬淡集

元

湯逢原

字資深將樂人文行修潔嘗築室隱居山中時人因名其山曰君子峯

張宗華

字穎之沙縣人清介絕俗善詞章草書為世所重元季晦匿不出明洪武中詔徵以老辭

建寧府

宋

丘濬

字思道建安人精歷數絕意榮達嘗著長世論五十篇言用兵利害因田瑜薦除萬年縣簿不赴郡

守表其居  
為處士坊

江贇

字叔圭崇安人與龔深之並以易學著名遭父喪廬墓終制政和中太史奏少微星見特舉遺逸邑

宰親詣其廬聘以殊禮復以詩勉其行凡三聘不起賜號少微先生立少微坊以旌之所著有通鑑節要

世行

蔡發

字神與建陽人博學強記高簡廓落出遊四方洞明於易象天文地理三氏之說歸而杜門絕意仕

進教子西山以孔孟正脉卒成大儒晚號牧堂老人朱子稱其教子志識高遠不干利祿非世人所知

劉甫

字嶽卿崇安人孝武武夷山北有水簾洞其棲隱處也劉珙將奏以官甫不願朱熹蔡元定每過

其廬講明義理嘗約熹結廬居武夷未幾卒熹以詩哭之

詹本

字道生建安人高抗不仕江萬里薦為郎先致書於本本方坐石磯垂釣使者至問本居宅本給曰

在前即持竿渡溪去不知所終

丘義

字道濟建陽人隱居不仕與朱熹友善從弟受業朱子朱子稱之義著有易說論語纂訓行於世

童伯羽

字蜚卿甌寧人師事朱子性沈默以道自任時學禁方厲遂閉戶不出朱子扁其樓曰醉經堂

曰敬義時人稱敬義先生

黃森

甌寧人通經史景定間與鄉薦宋亡隱天湖山著有正一齋集

真山民

浦城人德秀從孫入元不仕善吟咏格調奇峭名字不傳人以山民呼之

元

朱沂

字泳道建陽人熹三世孫累舉遺逸不赴與謝枋得遊枋得嘗稱之晚歲授考亭書院山長

游應翔

崇安人醉七世孫宋末兵革未靖結屋武夷登川之上以耕隱自晦

明

雷境初有司以孝廉薦固辭絕跡城市著閑居叢藁子

鏡浙江  
僉事

張羸

字惟貞浦城人初習舉子業旋棄去入山中日讀周易老子號半犁子嘗遊建業覽六朝遺蹟徘徊

感慨脩然有冲舉之志預知死期還山後自為輓詩墓銘手稿緘篋端坐而逝著有木雞詩話蜉蝣羽九

牛毛  
等集

陳有祚

松溪人天啟甲子舉人忽一夕棄家去久之友

饌甚備促膝宴言都有凌雲之想友人知其有所遇也詰旦往謝之則不知所往矣

邵武府

宋

丁時習

字行可邵武人父廷彥為太學錄以忤蔡攸辭歸時習試有司不合遂棄舉子業俄舍掩籬耽

玩經史晏如也鄉人以書薦於有司今自持謁時習嘆曰使我能俯仰於人書於屏去弗視晚年節

益高文益奇妻危氏與同甘苦不以屢空見詞色子百之千之每晨興供灑掃具蔬食畢授業恭謹誦讀

之外門庭終歲闕不聞聲杜來為之立傳

元

陳士元

邵武人與黃鎮成以文為友隐居不仕所著有武陽志畧一卷武陽者舊詩宗一卷學者號為

賜谷先生



李應龍字玉林博學多文尚節操至元間薦為白鹿書院山長及漳州路教授俱不赴著有春秋纂例

孝經集註  
四書講義

明

李秉

建寧人好學能文領永樂鄉薦時登第者多世臣子弟秉絙慨然拂袖歸曰取士如此尚可俸

進耶遂隱居不仕嘗賦詩云天上看花後歸來隱白雲地雖鄰市井心自遠塵氛世事無由理聲名不願

聞箇中天地濶  
時誦北山文

丘嘉彩字白夫恭寧人崇禎丙子鄉薦丙戌後挈家奉母窀入深山以父遺田盡付兄子足跡不至城

府二十餘年工書畫標其款曰邱園

汀州府

宋

徐唐

字守忠寧化人未冠受春秋於鄉先生吳果不知月誦析如流盱江李覲令聽講春秋於上庠見知

於歐陽脩薦之朝召見講易賞賜銀絹嘉祐三年奔母喪歸遂不復出

鄧曰

字日升連城人博極羣書年甫壯四舉禮部皆報罷即無復仕進意卜築石門巖肅詠其中或趣之

應舉答曰勿復敗吾佳思

鄧春卿

字榮伯長汀人崇寧間詔舉隱逸郡守陳粹以春卿應詔又舉八行俱辭不就卜築南山之阿

郡守累過其廬春卿賦詩謝之有望塵不敢布潘岳雲滿南山雪滿簪之句年九十六沐浴更衣而逝有

詩文  
三卷

明

沈得衛

字輔之連城人元末福建行省叅政陳有定重其才召賓幕辭弗受隱居蓮峯山不出洪武

初郡邑聞其賢辟為本學訓導著東巖樵唱集

童世堅

字克剛連城人正德癸酉應貢京師不就嘆曰此時闈寺薰灼道與世違可以隱矣遂結廬於

畫錦橋東扁曰尋樂時王守仁倡道東南世堅走謁請業歸而沈潛體認充然自得

福寧府

宋

林伸明字誠甫福寧人以三舍法入太學升上舍博通經史尤善詩文將授官以時事日非辭歸不仕

明

陳宇字時清寧德人性耽泉石嘗謂吾性情真隱山水真樂翫遊真境詩書真味吟咏真趣因號五真居

士有五真集十六卷課  
二子褒褒並舉進士

臺灣府

明

張士柳惠安人崇禎癸酉副榜遊跡臺灣隱居於東安坊杜門不出日以書史自娛辟穀三年惟食茶

果壽至九十九而終

永春州

宋

黃公懋

德化人三舍法行公懋升名於州以不喜王氏三經字說隱居教授卒

龍巖州

明

蔣時芬號替臯漳平人隱居講學絕意仕進邑長潭上居名欲延見之避去構元石洞於里之長潭上居

焉

福建通志卷五十三